


MUMO UGWANDUMI ÁLISÍLE

KWA UNE, NU KUTUMA KWAKE

 Kangi abakundwe pamo bali...Kangi une ngufibona ifyakusimbila pa tepi ifikindanekindane apa, kangi ifyene fisakupimbaga iki apa, naloli. Akabalilo kalikosa ugwe kulonda ukumanya isi itolo Umbepo Mwikemo ayobile kumyako, yobaga na bakundwe apa aba bali ni fisimbilamatepi, abene babagile ukukwimba kangi ikyene ukufuma kubwandilo mpaka kubumaliksiyo. Kangi ketesya kangi ukete linga isyene sitikubombigwa itolo mumo Ikyene kyayobile katinakati, umwe muketile. Akabalilo kako umwe mukupilika ikyene kikutupa, “ISI SYO IKUTI UNTWA, ‘Akandu kakuti, pamo *iki* kyo kili mu njila *iyoy*,” pamo umwe muli sisimikisyaga itolo kabili kangi nukuketa ukuti kili momumo pamomma. Muketile? Ikyene sili munjila yilayila akabalilo kalikosa.

² Lilino, pakwala ulwalo panandi...Kangi une nsangalwike itolo ikilo iki ukuti balipo itolo banandi ba uswe apa. Uswe tuli itolo bandu pa kukaya, ngimba momumo? Uswe tukaya, nayumo mwa uswe, bahesya. Uswe tutiku... Une ngabagila itolo ukubombela imbomba injobelo yak u Kentucky nu kufwana ndi kukaya lilino, kabuno uswe tuli—uswe tuli itolo...Kangi une ndikugila Kentucky lilino, linga alipo aligwesa apa ikufumila ku Kentucky. Ngimba alipo aligwesa apa ikufumila ku Kentucky? Inusya ikiboko kyako. Kuti fiki! Une mbagile ukwipilika ukuti une ndili kukaya, bule? Isi silikanunu fiyo.

³ U mama gwangu akabalilo kamo abombaga ku nyumba ya bahesya. Polelo une ndinkubukako kulakula ilisiku limo ukuti ngaketeko...Kulakula ikibugutula kya bandu kyagonile kula, kangi ikigemo ikinywamu, ikitali kyabikigwe. Popapo une ndinkuti, “Ngimba balinga apa bikufumila ku Kentucky, imilila.” Aligwesa alinkwima. Kangi une ndinkubuka ku kipanga ikilo kila, ikipanga kyangu, kangi une ndinkuti, “Ngimba balinga kuno bafumile ku Kentucky?” Aligwesa alinkwimilila. Polelo une mbagile ukuti, “Ena, isyo syo nnu fiyo.” Ababangeli babombile imbombo innunu, polelo uswe tuli bakupalisya pa isyene.

⁴ Lilino, mwa Buku gwa Baroma, pantu gwa 11 na manandi 28. Pilikisya kifuki lilino ku bubale bwa Lisimbo.

Nukufwana ni nongwa innunu, abene balugu pa nongwa ya umwe: loli ukufwana nu busunguligwe, abene bo baganigwa ba i...panongwa ya ba tata.

*Panongwa yakuti ifyabupi nu kukoleligwa ukwa
Kyala fili panja pa lupinduko.*

⁵ Tuli iputa. Gwe Ntwa, tutula uswe ikilo iki lilino apa uswe tukwisa ku iki nuliwindiko, na fyosa ifya ndumbula yitu, nukwiyipa, panongwa ya bwimikigwe Bwako ifindu ifi fikuyobigwa. Kangi undule une, Gwe Ntwa, kangi nukubika itolo mminogono gangu syene isi sibagile ukuyobigwa kangi filinga ifi fikuyobigwaga. Nyimikaga une akabali kako akene kabalilo Kako. Une ngusuma ukuti indumbula yiliyosa yikwambililage ifindu ifi kubununu bwa babine na babofu nkilundilo iki. Kabuno une ngusumila ikyene mu Ngamu ya Yeso Kristi. Ameni.

⁶ Lilino, une ngulonda ukwisila mbulumbilili ubu itolo papo uswe tulipo banandi. Kangi—kangi une ngugelaga ukuti ndingabakabisyaga umwe fiyo apa, une ngulambalisyaga isala yangu apa nukugela munjila yiliyosa lilino ukubasosya umwe nkabalilo akanunu ukuti mubagile ukugomokelamo kilabo nkilo. Lilino, muyege ndwiputo. Une ndikwinogona nukuti undumyana ayabasenie na makadi. Une ngandalusya nukundalusya ukuti pamo umwene...Kangi linga abene bakabomba pamo abene babombile pamomma, isyene sikanimbombo. Uswe tulinago amakadi muno mulimosa linga uswe tukulondigwaga ukukolela gamo. Polelo, linga mma, fiki, uswe tukuketaga itolo isi Mbepo Mwikemo ikuyobaga.

⁷ Lilino, linga umwe mukupilikisyaga kifuki...Lilino, isi sibagile...panongwa yakuti une...Uswe tuli banandi itolo apa, akene kabalilo kanunu ukuyoba isi, kabuno isyene—isyene yikufwana nu bundu bwangu nimwene. Kangi iyo yonongwa iyi une mbalile Ilisimbo ili ikilo iki, ukuti mukete ukuti ifyabupi ni ngoleligwe fikaya filifyosa ifi aligwesa fibagile ukumfwana.

⁸ Paulo ayobaga apa, alinkuyoba, “AbaYuda, mu Bwelu bwa Inongwainunu, bagogigwe amaso nukuya kubutali na Kyala, ukuti, kubununu bwa uswe.” Loli ilinandi ilitasi ku lilili, liyobile, “Israeli gwesa isakupokigwa.” Israeli gwesa isakupokigwa. Ukufwana nu busunguligwe, Kyala Tata abaganile abene nukubagoga amaso abene ukuti uswe Bapanja tubagile ukuya nabo ubuyo lilino ubwa bupinduke, ukuti, ukwisila mwa Abraham, imbeyu Yake yabagile ukusaya ikisu kyosa ukufwana ni Lisyu Lyake. Keta mumo ubwiyimike bwa Kyala buyilile? Ilisyu Lyake libagile itolo ukuyako. Umwene akabagila ukuya itolo ikindu ikingi. Kangi lilino uswe, ukwisila...Kyala atusalile uswe; Umwene asalile aba Yuda; kangi Umwene yo... .

⁹ Fyosa ifindu ifi fyo kumanyilanganila kwa Kyala. Akabalilo kako Umwene ayobege ukufwana nifyene ifi fiyege, Umwene amanyilanganila ikyene. Lilino, Kyala, ukuti aye Kyala, ku bwandilo Umwene abagile ukumanya ubumalikisyo apo'mma

Umwene akali Kyala unsitampaka. Kyala atikulonda ukuti yumo apyutigwege. Naloliloli umma! Umwene atikulonda ukuti yumo aligwesa apyutigwege. Loli ku bwandilo bwa bwandilo bwa masiku, i—i ikisukyapasi, Kyala amenye itolo katikati uyu abagile ukupokigwa na uyu akabagile ukupokigwa. Umwene alinkusita nukulonda ukuti abandu batagigwege, “Ukwene kukaya kulonda Kwake ukuti yumo atagigwege, loli ukwene ko kulonda Kwake ukumpoka aligwesa,” loli amenye ukufuma ku bwandilo uyu abagile na uyu akabagile. Iyene yo nongwa Umwene abagile akuyobelanganila, “Ikindu *iki* kisakubonekaga. Ikindu *ikyo* kisakubonekaga,” pamo, “*Iki* kisakuyaga *ikyo*. Umundu uyu isakuyaga munjila *iyó*.” Muketile?

¹⁰ Umwene abagile ukumanyilangila ikyene panongwa yakuti Umwene nsitampaka. Linga ugwe umenye ifi ikyene kikusanusya, ikyo kyo itolo, “kakayapo nakamo aka Umwene akakamanya.” Muketile, Umwene amenye. Ena, kakayapo nakamo ukufuma bo akabalilo kakali, kangi ukukinda papo kakayako akabalilo, muketile, Umwene pope ikumanya kalikosa. Kalikosa kali mminigono Gake. Kangi polelo mumo Pauli áyobelaga mwa Baroma, pantu gwa 8 nu gwa 9, “Polelo panongwa ya fiki umwene akali ikubwagamo ubonywa?” Polelo uswe tukuketa ukuti, loli Kyala . . .

¹¹ Bo mumo ukulumbilila Inongwainunu. Yumo alinkuyoba, “Nkundwe Branham, ugwe ngimba kwitika Ikyo?”

Une ndinkuti, “Keta.”

Alinkuti, “Ugwe kokuti ubagile ukuya gwa kiCalvin.”

Une ndinkuti, “Une ndi gwa kiCalvin akabalilo kosa aka linga i kiCalvin kili mwi Bangeli.”

¹² Lilino, lulipo ulusamba pa Mpiki, ulo lo ki Calvinism, loli silipo isamba nyingipo pa Mpiki, syope. U mpiki gukuya ni samba ukukinda yimoyene. Umwene itolo alinkulonda ukwendesya ikyene ukukindilila kula ku Buponesigwe Bwabwilanabwila, kangi ukufuma apo ugwe kubukaga panja ukuya ku Bwaligwesa kangi ugwe kugwilaga panjila pa buyo bumo, kukayako ubumalikisyo ku kyene. Loli linga kukindilila ni ki Calvinism, gomokelako nu kwanda iki Arminianism. Muketile, lulipo ulusamba ulungi pa Mpiki, kangi ulusamba ulungi pa Mpiki, itolo ugwe kindililaga. Ikindu kilikyosa kikupela u Mpiki ugu. Polelo une ngwitika mu—mu ki . . . mu ki Calvinism pene papo linga kikuyoba mu Lisimbo.

¹³ Kangi une ngwitika ukuti Kyala amenye bo ulwalo lwa kisu lukatigwa, alinkusala Ikipanga Kyake mwa Kristi, kangi nukunsenga Kristi bu lwalo lwa kisu lukaligwa. Ilisimbo likuyoba bububo, “Umwene ali Kang’osi gwa Kyala apyutigwe ukufuma ku lwalo lwa kisu.” Muketile? Kangi Yeso ayobile ukuti Umwene atumenye uswe bo ulwalo lwa kisu lukaligwa,

Pauli áyobile ukuti, “Umwene—Umwene átumenye uswe nu kutusungula uswe kubutabulo bwa bana ba Yeso Kristi bo nu lwalo lwa kisu lwalyaligwemo siku.” Uyo yo Kyala. Uyo yo Tata gwitu. Muketile?

¹⁴ Polelo mungapasyaga, amakato ga gileta gikusyungutila mwamomumo itolo, fyosa fikwisa nkabalilo kake itolo. Akandu kene itolo, ko, yaga mbusyungutile ubo. Kangi ikyo kyo—ikyo kyo kiyabo ikinunupo ikya ikylene, polelo ugwe kumanya mumo kubombelaga akabalilo kako ugwe kuyaga mbusyungutile.

¹⁵ Lilino, ketesya lilino, “Ifyabupi nukukoleligwa panja pa bupinduke,” iyo njila yene ntiga iyi une mbagile—mbagile ukubika mwa Mwasimbo ubukoleligwe bwangu mwa Ntwa. Kangi ngusubila ukuti ndinabanyangu ubusiku ubu aba naloliloli bikupilikisyaga iki nukusita kwinogona ukuti ikylene kya mundu yumoywene, loli ukuti mubagile ukya nu bukilisyo nukumanya itolo fiki ifi—fyo filiku ifi Untwa ayobile ukuti Umwene ikubombaga, kangi nukukyaga kimo kikwenda nukikongesya ikylene.

¹⁶ Lilino, pa bwandilo, ikindu ikyakwanda iki une mbagile ukukumbuka kyo mboniboni. Ikindu ikyakwanda iki une mbagile ukukumbuka ku minogono gangu kyo mboniboni iyi Untwa alimbele une. Kangi ifyo fyali fyo finja fingi fiyo ifi fikindilepo, une nail kalumyana kanini kanandi. Kangi une náli ni’bwe nkiboko kyangu.

¹⁷ Lilino, une ngusuma ubuswe bwinu, une bgukumbuka akabalilo kako une nafwalaga ilidiresi ilitali. Une ngamanya ukuti umwe (aligwesa umwe mwesa) mwebakangale kanunupo nukukumbuka akabalilo kako abanabalumyana bafwalege amadiresi amatali. Ngimba balinga mumo bikukumbuka akabalilo kako abana bafwalege, ena, amadiresi amatali? Ena, une ngukumbuka nkayumba kangu akanandi akakulu kula kuko uswe twikalaga, une ndinkwafula pasi. Kangi umwene ali yumo, une ngamanya ukuti umwene ali yo ywani, alinkwingila mumo. Kangi Mama alukile akanini—akanini aka riboni ka luko lwa blue mu lidiresi lyangu. Kangi une nendaga itolo panini fiyo. Loli une nafulaga akabalilo kalakala, kangi une nalingisye ulobe lwangu mmatalala pamalundi gabo, kangi nalyaga amatalala ukufuma pa malundi gake bo umwene imile ku buyo bwa moto, ikwinyasya. Une ngukumbuka bo mama ikunsugusya nukumbimba une panongwa ya isi.

¹⁸ Kangi polelo ikindu ikinine une ngukumbuka, fyali ifyinja fibili ifi fyakongaga, une nail na kabwe kanini. Kangi kokuti iki kyambelaga une ukuya nifyinja fitatu, kangi akanuguna kangu akabalilo kalakala kokuti itolo aakali ukufwana ifyinja fibili. Polelo uswe twali kumbenu kwa lubingilo kuko lwálíko ulubingilo ulukulu ulwakubalulila imbabu kuko abene bwatwalaga imipiki nubalula imipiki

gila. Ngimba balinga aba bikukumbuka utubalilo tulatula lulo mutwalege imipiki kuko kumbenu nukukibalula ikyene? Ngimba une nikungile fiki ni táí pamakosi amayolo aga? Une—une ndikukaya itolo.

¹⁹ Polelo akabalilo kako abene...Panja pala kulubingilo kububalulilo lwaliko ulusamba ulinini ulugoyokile pasi kulukula, ukufuma ku kisoko. Twali nu lupale ulukulu ulwakunegela palapala ku kisoko kuku uswe twanegaga amisi gitu nukubika mu ndobo ingulu, indubulu ingulu iyamatabwa ga sida, nukugatwala agene.

²⁰ Une ngukumbuka akabalilo kabumalikisyo kako une nunketege umbuya gwangu unkangale, unnini boa kali ukufwa, umwene ali nifyinja mia yumo na kalongo. Kangi akabalilo kako umwene afwege, une ndinkumpimba umwene mfiboko fyangu nukunkolelela umwene bo ulu bo akali nukufwa. Umwene alinkubika amaboko gake ukusyungutila une, kangi alinkuyoba, “Kyala asaye ubumi bwake, buchi, lilino na bwilanabwila,” akabalilo kako umwene afwege.

²¹ Kangi ndikwinogona umma ukuti unkikulu yuyuyu nasiku alinafyo i—i filato fyake mwene, mbumi bwake. Kangi une ngukumbuka bo nguketesya umwene, kangi pope bo ndi ndumyana nabukaga kuko nukubabona abene, ulubunju lulilosa umwene asumukaga, kisitafilato, kangi nukubuka ukukinda a matalala gala kukisoko, ukwega indobo ya misi nukugomokela, amalundi gake nkati mulamula. Polelo isyene sikubaba umwe, umwene ali nu bumi mpaka ifyinja mia yumo na kalongo. Polelo (ena, nkulumba) umwene ali fiyo, fiyo nkafu, ukongelelapo.

²² Polelo lino une ngukumbuka umbuya isaga pakumbula une ukufwana ni sangalabwe sya tata isi umwene angalisyaga bo akabalilo kako umwene ali ntubwa. “Kangi akandu akalondo akakangale kala,” une ndikwinogona, “ikufyukaga bulebule nkipinda ikyapamwanya kila?” Akasaka akanini, akakulu akafipinda—fibili, kangi akene kali na kapanga pamwanya. Kangi abene patumwile amayengo mabili, kangi amafyukilo gapeligwe, ukubuka pamwanya pala. Popapo, une ndinkuti. . .

²³ Ena, lilino, umwene alinkuti, “Lilino, linga tulile ifindu fya panamayolo une ngúbulaga, ngunangisye ugwe isangalabwe sya tata gwako—gwako.”

Kangi une ndinkuti, “Umma ndaga.”

²⁴ Polelo umwene ayaga pakunnagisya isyene kwa une nkisambi mmwanya mula mumo umwene abikaga utundu twake ukufisa mumo abandu abakangale babombelaga. Polelo une ndikwinogona, “Bulebule nkisu kyapasi akandu akalondo akakangale kakufyukaga pa makwelelo?” Polelo une ndinkusegelela kulakula nukuyoba, “Mbuya,” une ndinkuyoba, “lilino, gulila, nkundwe, une ngufyukaga apa kangi ngutule.”

²⁵ Umwene alinkuti, “Imilila palubafu.” Pamwanya pa makwelelo gala umwene alinkukinda bo ka pelemende. Umwene alinkuti, “Popapo, ugweisa!”

Kangi une ndinkuti, “Umma ndaga, Mbuya.”

²⁶ Une ndinkwinogona, “O, mwe, linga une mbagile itolo ukuya bo lula, amaka amingi bo ago mwa une napapo ndi pa fyinja mia yumo na kalongo!”

²⁷ Lilino, polelo une ngukumba ukuti nali pa kanyibuko akanandi akakulu, kangi une náli nilibwe kangi une nalisopaga ilyene bo ulu, mmatipa, ngugela ukunnangisya unnugunagwangu mumo une nali na maka. Polelo yalipo injuni iyi yalikele mmwanya mumpiki kangi umwene alinkuywega, nukuswanyulwana posa, aka mbeta akanandi akakúlu pamo akangi. Polelo, aka mbeta akanandi, une ndinkwinogona ukuti umwene ayobaga kumyangu. Polelo une ndinkusanuka nukupilikisya, polelo injuni yila yilinkupululuka ukusókapo, polelo Ilisyu lilinkuti, “Ugwe kwikalaga kiyabo ikinywamu ikya bumi bwako kifuki na kaya aka kakukoleligwa New Albany.”

²⁸ Uko ko ma mailosi matatu ukufuma kuko une nakulíle. Ndinkubuka, bokikindilepo ukufwana ikyinja kimo, ukuya kubuyo, ngalinago umma aminogono ukuti ngubukaga. . . New Albany. Ukukinda mbumi, mumo ifindu fila. . .

²⁹ Lilino, keta, abandu bangu bakaliganile ukwiputa. U tata na mama bakabukilemo kukipanga. Pabutasi bwa apo, abene bali ba Katolika.

³⁰ Akipwa kangu akanandi kikele muno pabuyo bumo amayolo aga, une ngwinogona, une ngamanya. Umwene nsikali. Une ngumwiputilla umwene. Umwene n’Katolika umwene, akali n’Katolika. Kangi mmayolo namayolo, umwene bo ali kuno nukuketa ifindu fila ifya Kyala, umwene alimile palapala pakigemo. Umwene alinkuti, imile pala, kangi umwene alinkuti, “Jomba Bill?” Umwene ali kwisilya lya nyanja pa kabalilo akatali, alinkuti, “Bo une ngetile filafila. . .” Alinkuti, “Fila—fila fitikuboneka mu kipanga kya Katolika.” Umwene alinkuti, “Ikyo. . . Une—une ngwitika, Jomba Bill, ugwe uli kutalusya,” umwene alinkuyoba.

³¹ Polelo une ndinkuti, “Lúki, ifi fikaya yo *une*, ifyene yo Mwene yo uyu gwabwanaloli. Uketile, *Mwene* uko ko kutalusya.” Kangi polelo umwene alinkuti umwene. . . une ndinkuti, “Lilino, une ndikukusuma ugwe ukuti ubombepo nakamo, Melvin, loli itolo umbombelege Untwa Yeso Kristi ni ndumbula yako yosa. Ugwe bukaga kulikosa kuko ugwe kulonda. Loli usisimikisyege mu ndumbula yako ukuti Yeso Kristi apapigwe kangi mbupya, uketile, mu ndumbula yako. Polelo ugwe bukaga ku kipanga kilikyosa iki ugwe kulonda ukufuma apo.”

³² Lilino, loli abandu abatasi kwa une bali ba Katolika. Tata gwangu ali mu Irishi kangi mama gwangu ali mu Irishi.

Ukutumuka kwene uko kulipo ndilopa ya ki Irishi, umbuya gwangu ali mu Mmwenye gwa ki Cherokee. Mama gwangu yo afwene itolo mbapo-ya-sinda. Kangi polelo une...kwa une, ikylene kyangu...ingulilo yitu, ukukinda itatu ilyene likusimililaga. Loli uko ko kutumuligwa kwene ukuti tuyege itolo ba ki Irishi, Harvey na Branham yáli yo ngamu. Kangi lelo kunyuma kwa isyo kwáli Lyons, iyi kangi ya ki Irishi. Kangi popapo abene bali bosa ba Katolika. Loli nimwene, uswe tukáli nabo ubumang'anyi mu fya nyiputo pamo ukumanyisigwa nakamo nakamo, bo tuli bana.

³³ Loli ifyabupi fila, imboniboni sila, une naketaga imboniboni ukufuma akabalilo kala mumo ngubombela lilino, isyene syo syabwanaloli, kabuno ifyabupi nukukoleligwa fili panja pa lupinduko. Ukwene ko kumanyilanganila kwa Kyala, Kyala ikubomba kimo. Ukukinda mbumi bosa une natilaga ukuyoba kalikosa ka isyene.

³⁴ Umwe mubalile akapango kangu nkabuku akanini aka *Yeso Kristi Yuyo Mmayolo, Umusyugu Na Bwila*. Une ngwinogona akene kali mma buku gamo, agangi aga. Sya momumo, Gene? Ngimba akene kali mu ili, ilibuku ilyabwila—ilyabwila, mu—mu buku ili uswe tulinalyo lilino? Ngimba Ilyene Iyo *Akapango ka Bumi?* Une ngwinogona ilyene Iyo lilyo. Akabalilo kala papo uswe tuyege nafyo...Ngimba ifi fikaya fyakupela ulutende? Amabuku ga gangu, kangi une ngabalamu siku, nimwene. Loli yumo ikugasimba agene, apa kokuti isyene syo isi abene begile ukufuma mungomano. Une ngindilemo mu sisisyo, polelo une ngulondesya akandu akangi ukuti akabalilo kali kosa kakubombigwaga. Popapo, polelo, agene galikanunu, une mbalilepo utuyabo tumo twa agene lilino, apa na apo, itolo papo ngulwagila ulusako.

³⁵ Polelo lilino, mulimosa, linga uli—linga uli ndumyana nnini, umwe mumene mumo imboniboni syayobelaga kwa une, une nail ni fyinja ukufwana fihano na fibili, kulinkuti, “Komma ukunwa pamo ukukwesa pamo ukufuba umbili gwako munjila yiliyosa, yilipo imbombo ya ugwe akabalilo kako ugwe kuyaga nkusi.” Kangi umwe mupilike ikyo kuyobigwa mwa buku. Popapo, isyo syabwanaloli. Mosa mumo isyene silinkubombigwabombigwa.

³⁶ Akabalilo kako une njege ndumbilili, popapo, akabali kala ikylene—akabalilo kala ikylene naloliloli kilinkwanda ukubombigwa akabalilo kali kosa.

³⁷ Kangi une ubusiku bumo nalimbwene Untwa Yeso gwitu. Une nguyoba isi nubwitikisigwe, une ngwitika, ukufuma kwa Mbepo Mwikemo. U Gwandumi gwa Ntwa uyu ikwisa akaya yo Ntwa Yeso. Ikyene kitikuboneka bo yu Mwene mu mboniboni yimoyene yilayila. Kabuno, imboniboni une naketile iya Ntwa Yeso, Umwene ali Mundu nandi. Umwene akali...

Une na panja mungunda, ngumwiputila tata gwangu. Polelo ndinkugomokako nukubuka kukitala, kangu ubusiku bula une ndinkunketa umwene kangu une—une ndinkuti, “O Kyala, mpoka umwene!”

³⁸ Mama gwangu apindusigwe kale kangu une nalimmosisye umwene. Polelo une ndinkwinogona, “O, tata gwangu ikunwa fiyo.” Polelo une ndinkwinogona, “Linga une mbagile itolo ukumpela umwene ukuti amwitike Untwa Yeso!” Une ndinkusoka, ndikulambalala pasi pakatefu akakulu nkyeni mwa kipinda kya kumaso, kifuki ni kifigo.

³⁹ Popapo Kimo kilinkuyabo kwa une, “Sumuka.” Popapo une ndikusumuka, ndikubuka ngwenda, kangu ndikugomokela mu ngunda kunyuma kwa une, ungunda unkulu ugwa lisu lya myeyo.

⁴⁰ Popapo pala, nimilile pabusita kukinda a mafiti malongo ukufuma pamyangu, palimilile u Mundu; afwele ifyelu, Akamandu akanini; ápetike amaboko Gake bo *ulu*; indefu, syafwene mbimba; inywili ukugwa mpaka mfibega Fyake; kangu Umwene aketelaga ndubafu ukufuma kwa une, ukufwana bo *ulu*; ikifwanifwani kyakuboneka-nulutengano. Loli une ndinkusita ukukipilikisya ikyene, mumo amalundi Gake, kimo kunyuma kukinine. Kangu umbelo gukuputa, unselekesye Gwake gukupepeluka, ilisu likuputigwa.

⁴¹ Une ndinkwinogona, “Lilino, gulila panandi.” Une ndinkwiluma nimwene. Une ndinkuti, “Lilino, une ngaya ntulo.” Kangu une ndikukwaba pasi, ndinkukwaba akapiki akanandi aka myeyo, umwe mumenye, ukwega akene kafwane kákwisokosolela mmimo. Une ndinkukabika nkanwa. Une ndinkuketa kangu ku nyumba. Une ndinkuti, “Umma, une nail mula namwiputilaga tata, kangu Kimo kiyobile gwise panja apa, polelo apa po imilile u Mundu uyu.”

⁴² Une ndinkwinogona, “Yula ikuboneka bo yu Ntwa Yeso.” Une ndinkwinogona, “Une ngwiswiga linga ikyene mo kili?” Umwene abonekaga itolo mumo, ukubuka kuko uko inyumba yitu yimikigwe lilino. Polelo une ndinkwenda ukusyungutila injila *iyi* ukuti ngete linga une mbagile ukumbona Umwene. Kangu une ndinkuketa ulubafu lwa kisyo Kyake bo *ulu*. Loli Umwene... Une nafumbilisigwaga ukusyungutila injila *iyi* ukuti numbone Umwene. Une ndinkuti, “Hmm!” Kulinkusita nukunguta Umwene. Kangu une indinkwinogona, “Une ngusubila ukuti une ngunkolelaga Umwene.” Popapo ndinkuti, “Yeso.” Popapo akabalilo kako Umwene abombile, Umwene alinkuketa nkusyungutila ukufwana *ulu*. Syo syene is une ngukumbukila, Umwene itolo alinkufikila amaboko Gake kwa une.

⁴³ Akayamo nayumo ugwalweke lwa kusimba amapicha nkisu uyu abagile ukusimba ipicha Yake, mumo ikisyo Kyake kiyilile.

Inunu fiyo iyi une njibwenemo yo yila ya *Untu gwa Krisiti pa Fyinja Malongo Matatu na Fitatu* iya Hoffmann, Une ndinakyo ikyene pa mabuku gosa na filifyosa ifi une ngubombela imbombo. Panongwa yakuti kila kikuboneka itolo mumo, kangi polelo popapo. . .pamo kifuki fiyo, kifuki momu ikyene kibagile ukuya.

⁴⁴ Umwene ábonekaga bo, Nnyambala, linga Umwene atigi ayobege ikisu kibagile ukwisa kubumalikisyo, loli palema nu lugano ni kisa ikingi mpaka ugwe—ugwe. . .une ndinkugwila itolo uko. Popapo bo kukyilye, une ndikwiyaga itolo kulubunju, ishata iyakugonela yitimile na masosi, akabalilo kako une njege mminogono gangu, ngwenda, ukugomokela ukukinda mu ngunda gwa myeyo, kunyumba.

⁴⁵ Ndinkusiyoba isi kundumbilili mwinangu. Umwene alinkuti, “Billy, Ifyo fikukubopesyaga ugwe mbusutamutu.” Umwene alinkuti, “Uyo yo Mohesi.” Kangi alinkuti, “Komma ukukwangala nafyo nafimo bo ifyo.” Une náli ndumbilili gwa Baptisti akabalilo kalakala.

⁴⁶ Popapo, une ndinkubuka kumwinangu ugwaiyolo uyungi. Une ndinkwitugasya nukumbula umwene isya Isyene. Une ndinkuti, “Nkundwe, ngimba ugwe kwino gona isyafiki isya Isyo?”

⁴⁷ Umwene alinkuti, “Ena, Billy, une ngukubula ugwe.” Umwene alinkuti, “Une ngusubila linga ugwe kugela ukwikyunga ubumi bwako, itolo ukulumbilila ifi fili mwi Bangeli muno, ikisa kya Kyala ni finine, une ngabagila ukusokapo apo ukukonga akandu ka busyutano kamo, kamo akakufwana bo kakako.”

⁴⁸ Une ndinkuti, “Nkulumba, une ndikulonda ukuti njonge ukukonga kamo aka busyutano.” Une ndinkuti, “Kyene ikindu iki une ngugela ukukyaga ukuti ikindu iki kyo fiki.”

⁴⁹ Umwene alinkuti, “Billy, ifyinja ifi fikindilepo abene bayaga nafyo ifindu fififyo m’fipanga. Loli,” alinkuti, “akabalilo kako abapostoli bamalikege, ifindu ifi filinkumalika fyope.” Kangi alinkuti, “Lilino iki kyene uswe tulinakyo ukuti. . .uluko lulilosa ulwakuketa ifindu bo ifyo,” alinkuti, “abene bo ba losi, imisetano.”

Une ndinkuti, “O Nkundwe McKinney, ugwe kuyoba naloliloli isyo?”

Umwene alinkuti, “Ena, nkulumba.”

Une ndinkuti, “O Kyala, yaga ni kisa pa une!”

⁵⁰ Une ndinkuti, “Une—une. . .O, Nkundwe McKinney, ngimba ugwe—ngimba ugwe kundulaga une ndwiputo ukuti Kyala atisa siku ukukitikisya uku iki kibonekege kwa une? Ugwe umenye une nunganile Umwene kangi une ndikulonda ukuti

nagigwe ukuya nsobi pa findu ifi.” Une ndinkuti, “Ugwe gwipute nanine.”

⁵¹ Umwene alinkuti, “Une ngwiputga, Nkundwe Billy.” Kangi polelo uswe tulinkwiputa palapala mu—mu nkipinda kya mputi.

⁵² Une ndinkulalusya abalumbilili ba bingi. Ikindu kimokyene kilinkwisa. Polelo une ndinkutila ukubalalusya abene, kabuno abene bikwinogona ukuti une nali mohesi. Popapo une—une ngálondera ukuya bo bububo’mma. Une namenye mu ndumbula yangu kimo kyabonike. Lilino, fyo fifyo, kyalipo—kyalipo kimo mu ndumbula yangu iki kyabonike. Kangi une ngálondera ukuya bo ulo’mma, siku.

⁵³ Popapo kunyeni mfyinja, une ndinkupilika ilisiku limo kula ku kipanga kya First Baptisti kuko une nali yumo gwa abene akabalilo kalakala, une undinkupilika yumo ikuyoba, “Aise, ugwe angali ubukile kuko nukubapilika bala abikemo-abisyumbutuse ubusiku bwa mmayolo.”

⁵⁴ Kangi une ndinkwinogona, “Abikemo abíbumbulusye?” Kangi umwinangu yumo Walt Johnson, umwimba besi, kangi une ndinkuti, “Ngimba fyo findunki, Nkundwe Walt?”

Umwene alinkuti, “Akabugutila ka ba Pentecosti.”

Une ndinkuti, “Fiki?”

⁵⁵ Umwene alinkuti, “Aba kiPentecosti!” Alinkuti, “Billy, linga ugwe ubagile ukuketa fila,” alinkuti, “abene babungulukaga pasi bo ulu nukunyela-nyela mmwanya.” Umwene alinkuti, “Abene bayobaga ukuti basosomokaga mundimi inhesya kisita apo abene—abene bakapindwike umma.”

Polelo une ndinkuti, “Ko kugu kukuko?”

⁵⁶ “O,” alinkuti, “akakomano ka kasasa akanandi akakulu uko, kulubafu ulungi lwa Louisville.” Alinkuti, “Abandu abalaangi, ena.”

Kangi une ndinkuti, “A-ha.”

Kangi umwene alinkuti, “Baliko abandu abasungu babingi kulakula.”

Une ndinkuti, “Bambobile silasila, bope?”

Alinkuti, “Ena, ena! Abene bambobile iki, bope.”

⁵⁷ Une ndinkuti, “Isi syakuswigisya, abandu bikwitabania mu findu bo ifyo.” Une ndinkuti, “Ena, une ngusubila uswe tubagisenie ukuya nafyo ifindu ifyo.” Pa ndungu kulubunju, une ndisakwibwamo icyene. Umwene alyaga ikikandi ikyumu kya lindimu panongwa munda mumo umwene mwamutamiaga, kangi une ngufiketa kanunu itolo ifyene kufwanega mmayolo. Kangi une ndinkwinogona, “Ukusosomoka, ukunyela-nyela, lo luko lwa lwiputo luki ulu abene bikuyaga nalo ukufuma apo?” Kangi polelo une—une ndinkukindilila.

58 Ukufuma palapala, une ndinkwagana nu nnyambala yumo ungangale uyu ali munomuno nkipanga lumo lilino, pamo umwene ali apa pa kipanga, ni ingamu ya John Ryan. Kangi une nalyágene nagwe pa buyo . . . Umwinitu ungangale ali ni ndefu ni nywili indali, kangi umwene lumo ali papapa. Une ninogonaga ukuti umwene afumaga ku Benton Harbor kumwanya uko ku House of David.

59 Abene balinabo ubuyo mu Louisville. Une nagelaga ukubaga abandu bababa, kangi abene bayikolelaga ukuti Sukulu ya Basololi. Polelo une ndinkwinogona ngubukaga kuko nukuketa ukuti ifi fyo fyáli fiki. Ena, une ndinkusita kuketa yumo ikwibungulusya pasi, loli abene balinafyo fimo ifimanyisyo ifihesya. Kangi ko kuno kuko une nalyagenie nu nnyambala ungangale uyu, umwene yo alingolile ukuti nise ku buyo ubu.

60 Une nábukile kukuyata paholide. Kangi une nali kulakula ilisiku limo, kangi ndinkugomokela ku nyumba yake kangi umwene asókilepo, kangi umwene asokilepo ukuya kumo kula ku Indianapolis. Alinkuti, “Untwa ankolile umwene,” unkasi gwake.

Une ndinkuti, “Ugwe kuyoba ukuti ugwe umwitikisye unnyambala yula ukubopa lulalula?”

61 Umwene alinkuti, “O, umwene yo ntumwa gwa Kyala!” Akando akalondo kala kafwile imilungu iminandi igi gikindilepo, une mbilike. Kangi umwene alibabanikile ku mwene. Mwe, uyu yo luko lwa nkikulu ulwa kuya nalo! Uko ko kutalusya. Atalwisye pamo asobile, umwene atalwisye munjila yiliyosa! Une ndinkuti . . . Ena, une namenye abene . . .

62 Lilino, umwene . . . Nkundwe Ryan, ugwe ngimba ulipo? Umwene akayapo umma. Umwene álipo ilisiku limo, muka momumo, balumyana?

63 Kabuno, abene bikwikalila nakalikosa aka abene bakagile, kangi umwene akali nako nakamo akakulya nnyumba. Isyo syabwanaloli. Kangi une nakoli utuswi tumo ku misi, pamo ku nyanja, ku Michigan, kangi une nagomwikeko kulakula—kangi une ndinkusuluka ku buyo. Kangi abene bakali nago amafuta nnumba, pamo parafini ugwakuti bapiyile iswi. Popapa une ndinkuti, “Umwene akulekile ugwe kisita kalikosa nnyumba?”

Alinkuti, “O, loli umwene ntumwa gwa Kyala, Nkundwe Bill!” Alinkuti, “Umwene . . .”

64 Une ndinkwinogona, “Ena, akusaye indumbula yako ingulu. Nkundwe, une ngwimilila kifuki fiyo na ugwe.” Uko kutalusya. “Ugwe kwinogona inyingi isi ukufwana nundumego, une nitendekisye ukuya pamopene nu kwimilila kifuki na ugwe panongwa ya ikyo.” Isyo syabwanaloli. Uswe tukulonda abakikulu bo aba umwisyugu, kangi abanyambala bingi aba bikwinogona isya bakasi babo lulalula. Isyo syabwanaloli. Kuyaga Amerika nnunupo linga abanyambala na bakasi bikuya

pamopene lulalula. Batalwisye pamo basobile, itugasyaga na bene. Angali kukayako kwingi ukusóka pa nyega.

⁶⁵ Popapo uswe—uswe tulinkubuka ku... Polelo une ndinkukindilila. Kangi pa nsebwe gwangu ukubuka ku kaya, ikyene kyáli kindu kihesya, une ndinkukisania ku Mishawaka. Kangi une ndinkuketa amanini—amanini amagali amakulu lilino, gikele ndukindi, gakoleligwe... ifimanyilo ifinywamu pa gene fikuti, “Yeso Mwene.” Une ndinkwinogona, “Ngimba kokuti... ‘Yeso Mwene’ kila kibagile ukuya kyanyiputo.” Kangi une ndinkubuka kuko apa kangi apa pali njinga syali nakyo ikyene, “Yeso Mwene.” Ma cadillac, ma Model-T Ford, filifyosa, “Yeso Mwene” pa ikyene. Une ndinkwinogona, “Ena, nguswiga ifi fyo fiki?”

⁶⁶ Polelo une ndinkukonga ikyene ukusyungutila; ukwisa ukufyaga, ulwene lwali lukomano lwa nyiputo, abandu ukufwana elifu na ba mia bahano pamo aba elifu babili palapala. Kangi une ndinkupilika ukuywega kosa nukunyela-nyela mmwanya, kangi nukukindilila. Une ndinkwinogona, “Batile, po apa kuko une nguketaga abibungulusya—abikemo ko baliko.”

⁶⁷ Polelo une nali ni Ford yangu ingulu, umwe mumenye, iyi une nayobaga ukuti yabopaga ukufika amamailosi malongo matatu pa sala yimo, Kalongo na mahano ukubuka *uko* kangi kalongo na mahano ukubuka ku-bwa *uko*. Polelo une ndinkuyimika iyene kulubafu lumu, une... akabalilo kako une mbwagege ubuyo ubwakwimikapo, kangi bo nendile ukubuka ku lukindi. Ndinkwingila, ndinkukelengania, kangi aligwesa imilile uyu abagile ukwima. Une ndinkufimbilisigwa ukuketa pamwanya pa mitu gyabo. Kangi abene balinkuywega, kangi nukunyela, kangi nukugwa, kangi nukukindilila. Une ndinkwinogona, “Whee, humm, lo luko lwa bandu luki!”

⁶⁸ Loli akabalilo kosa une nakabilaga pala, nipilikaga kanunu fiyo. Une ndinkwinogona, “Ifi fikufwana filikanunu fiyo.” Une ndinkwinogona, “Kakayapo nakamo aka konangiye na bandu bala. Abene bakasyuta umma.” Une ndinkwanda ukuyoba na bamo mwa bene, polelo abene—abene bali bandu banunu. Polelo une ndinkuti... .

⁶⁹ Ena, lilino, lula lwali lukomano lulalula ulu une nabukileko nukwakwikala busiku bosa ubusiku bula, kangi ilisiku lya kilabo une ndinkwingila mumo. Kangi umwe mupilike une nguyoba nkapango ka bumi bwangu. Une nali pakigemo nabalumbilili mia yumo na malongo mahano, pamo aba mia babili, kango lumu bingipu, kangi abene balondaga aligwesa ukuti ime nukuyoba kuko abene bafumilaga. Kangi une ndinkuti, “Ndumbilili William Branham, Jeffersonville,” ndinkwitugasya pasi, “ugwa Baptisti,” popapo, kwikala pasi. Aligwesa ikuyoba kuko abene bafumileko.

⁷⁰ Popapo ulubunju lwa kilabo kyake bo une nisile mula . . . une nagonile mu ngunda ubisiku bosa ubusiku bula, nukukamata ibundu yangu paka pa fikota fya Ford, umwe mumenye, kangi une—une . . . ísulubali ya kitenge, aka T-sheti, umwe mumenye. Polelo ulubunju lwa kilabo kyake une ndinkubuka kulukomano, aka T-sheti kangu mfwele. Une ndinkubuka . . .

⁷¹ Une ngali nayo indalama ma dola matatu, kangi une nabagile ukugaga amafuta agakufwana ukumfikisya une kukaya. Kangi une—une ndinkulonda ututumbuwa tumo, uluko lula lwa iyolo, umwe mumenye, loli une nali mwikyele itolo. Kangi une ndinkubuka pa tapu ya misi, ndinkutwala ikikopo kimo ikya misi, kangi utwene twali kanunu fiyo. Polelo une natuyubikaga utwene panandi, popapo une ndinkuya nikyakulya kyakusumusya.

⁷² Lilino, une nabagile ukulya nabo, abene balyaga kabili pisiku. Loli une natoligwe ukubikamo kamo mfyabupi, popapo une ngabagile—ngabagile ukubatobelela abene.

⁷³ Popapo ukufuma apo une—ukufuma apo une ndinkufika mula ulubunju lula, abene balinkuti . . . une itolo ngufimbilisigwa ukuyoba akayabo aka ka akene. Polelo ngwingila mula ulubunju lula, kangi abene balinkuti, “Uswe tukulondalonda u William Branham, undumbilili unini uyu ali pakigemo ubusiku bwa mmayolo, um’Baptisti.” Alinkuti, “Uswe tukulonda umwene ukutwala indumi iyi ulubunju ulu.” Une ndinkuketa ukuti iki kyayaga pakungwaba une fiyo, ikibugutila kya bandu bala, une ne m’Baptisti. Popapo une ndinkwinamila pasi pa kikota kyangu. Une nafwele ubuluku lya kitenge, i T-shati, umwe mumenye; uswe twafwala ifyabaputi, popapo . . . Kangi une ndinkwikala kunyuma kwa kwa kikota bo ulu. Popapo umwene alinkulalusya kabile pamo katatu. Kangi une nalikele kifuki nu nkundwe yume ugwa butitu.

⁷⁴ Kangi inongwa iyi abene bayilege nulukomano ku Lulu, panongwa yakuti kwaliko ukusalana Kwitongo. Polelo abene balinkusita nalo ulwene Kwitongo.

⁷⁵ Popapo une ndinkuswiga iki ikya “Yeso Mwene” kyali kyo fiki. Kangi une ndinkwinogona, “Popapo linga ikyene yo Yeso, ikyene kili kanunu. Polelo ifyene fitikupela ubukindane nabumo kali ifyene . . . kali kili bulebule, akabalilo kosa ikyene kyo yu Mwene.”

⁷⁶ Popapo une ndinkwitugasya pala panandi nukubaketesya abene, kangi popapo abene balinkukolela kabili pamo katatu kangi. Kangi ukundwe ugwa kititu uyu alinkungetesya une, umwene alinkuti, “Ngimba ugwe ummenye umwene?” Lilino, une—une . . . Ukubonekela kwali palapala. Une ngabagile ukusyoba ku nnyambala uyu, une ngalondaga umma.

Une ndinkuti, “Keta, nkundwe. Ena, une nummenye umwene.”

Umwene alinkuti, “Mulimosa, buka ukammwege umwene.”

⁷⁷ Une ndinkuti, “Ena, une—une ngubule ugwe, nkundwe,” une ndinkuti, “une yo umwene. Loli ugwe ukete,” une ndinkuti, “keta, une . . . isulubali ya kitenge.”

“Fyuka palapala pamwanya.”

⁷⁸ Kangi une ndinkuti, “Umma, une ngabagila ukufyuka palapala,” une ndinkuti, “ní sulubali iyi mfwele, bo ulu, na katisheti akanini.”

Alinkuti, “Abandu aba batipasya mumo ugwe ufwalile.”

⁷⁹ Kangi une ndinkuti, “Ena, keta, komma ukufumunya isi. Upilike?” Une nátile, “Keta, une mfwele isulubali iya kitenge iyi, une ndikulonda ukufyuka kulakula.”

Alinkuti, “Alipo yumo amenye apa alipo William Branham?”

Umwene alinkuti, “Uyu ali apa! Uyu ali apa!”

⁸⁰ O, mwe! Ikisyo kyangu kyali kikeseifu, unwe mumenye; kangi ngali nagwe tai, umwe mumenye; kangi aka tisheti akanandi akakulu aka, umwe mumenye, kangi utuboko twali bo ulu. Kangi une ndinkubuka pamwanya pala ukukinda mula, imbulukutu syangu sikokya. Une ngalipo siku pa maikrofoni.

⁸¹ Kangi une ndinkwanda ukulumbilila pamwanya pala, kangi une ndinkwega amasimbo, une ndisakwibwamo siku, “Unnyambala ugwakyuma alinkwinusya amasu gake ku gehena, kangi umwene alinkulila.” Une, utubalilo twingi, ngulumbilila utundu tutatu utunini bo lulalula, “Ugweisa, keta unnyambala,” “Kwitika ugwe iki?” pamo “Popapo umwene alinkulila.” Kangi une ndinkumilisya ukuyoba, “Gakayako amaluba, polelo umwene alinkulila. Sikayako ingomano sya lwiputo, polelo umwene alinkulila. Bakayako abana, polelo umwene alinkulila. Ukwimba nakumo, polelo umwene alinkulila.” Polelo une ndinkulila.

⁸² Polelo bo fyosa fimalike, whee, mwe, abene itolo bali . . . Bosa balinnsyungutile une, bikulonda une ngalumbilile pa ngomano syabo. Une ndikwinogona, “Mwinangu, lumo une yone mbunguluka-mwikemo!” Uketile? Popapo une ndinkwinogona, “Lumo . . .” Uketile, abene báli bandu banunu fiyo.

⁸³ Kangi une ndinkwenda ukufuma kula. Unnyambala yumo uyu áfwele ifilato fya batimang’ombe, nikitili kya batimang’ombe, une ndinkuti, “Ngimba ugwe yogw’ani?”

Umwene alinkuti, “Une ne Nkulumbagwakipanga *Gwakuti-gwakuti* ukufuma ku Texas.”

Une ndinkwinogona, “Ena, kila kyabonekaga . . .”

⁸⁴ Umwinitu uyungi alinkwenda ukwisa namabuluku ga mpila, abene bakomelaga umpila gwa gofu, na kamo mwa tujuzi akanini nini. Umwene alinkuti, “Une ne Ntimi. *Gwakuti-*

gwakuti ukufuma ku Florida. Ngimba ugwe ubagile ukwisa ukukomania. . .”

⁸⁵ Une ndinkwinogona, “Une ndikukaya kuko, ndumyana, amabuluku agakitenge ni tisheti. Ifyo fyo fili kanunu itolo.”

⁸⁶ Polelo, umwe mupilike akapango ka ifindu ifyo, polelo une ngwimilaga papapa nukuti mbabule umwe ifi une ngababulamo siku. Ikindu kyakwanda, une ngulonda mbasume umwe. . . une nayaga pakusikinda isyo. Une ngayobamo siku isyene pamo pa kilundilo mbumi bwangu. Linga umwe mufingaga ukuti mukunganaga une kangi mukugelaga ukungana une fiyo linga une nayoba iki mumo une ngubombela bo ngali ngayoba ikylene, inusya ifiboko fyinu. Syosa silikakanunu. Ulo lo lufingo lwino, une ngubakólaga umwe ku lwene.

⁸⁷ Bo nikele ndukomano ubusiku bula, akabalilo kako abene bimbege inyimbo syabo abene balinkukuba mmaboko. Kangi abene balinkwimba, “Une. . .” Akimbo akanini kala, “Une mmenye lyáli Ilopa. Une mmenye lyali Ilopa.” Kangi abene balinkubopa ukufyuka nu kusuluka mungindi, na fyosa, kangi itolo ukukolela nu kuntufya Untwa. Une ndinkwinogona, “Fila fikupilikigwa ukuya finunu ukukindapo ku myangu.” Une ndinkwanda. . .

⁸⁸ Abene bayobaga akabalilo kosa isya Imbombo, Imbombo 2:4, Imbombo 10:49, fyosa ifyo. Une ndinkwinogona, “Mwinangu, iyo lyo Lisimbo! Une itolo ngalibwenemo siku Iyene lulalula pabutasi.” Loli, o, indumbula yangu yili nkupya, ngwinogona, “Ifi filikanunu!” Une ninogonaga abene bali kibugutila kya babunguluka-bikemo akabalilo kako une naganene nabo akákwanda, kangi une ndinkwinogona, “O, mwe! Lilino, abene kibugutila kya ba ndumi.” Muketile, une ndisanusya aminogono gangu nakalinga itolo.

⁸⁹ Polelo ulubunju lwa kilabo kyake akabalilo Untwa ambege ulusako ulyakwima pangomano isi, une ndinkwinogona, “O, mwe, une nguyaga kifuki ni kibugutila kya bandu aba! Bala bo luko ulu abene babakolelaga ‘aba Methodisti abaywege.’ Itolo bakindililepo panandi,” une ndinkwinogona. “Lumo ifi fyo ifyene fili.” Polelo une ndinkwinogona, “Ena, une. . . une naloliloli mfiganile ifyo. O, loli, kilipo kimo ukufwana nabene une nkiganile, abene bafuyufu kangi banyafu.”

⁹⁰ Polelo ikindu kimokyene une ndikusita ukupilikisya kya kula ukuyobela mu ndimi, ikyo kyálinyagile une. Kangi une itolo. . . Alipo unnyambala yumo, tutigi, alikele *apa* kangi uyungi pabwa *apa*, kangi abene bali balagili ba kibugutila. *Uyu* imaga nukuyoba mundimi, *uyu* alinkusanusya iyene nukuyoba ifindu ukufwana nulukomano ni fingi. Une ndinkwinogona, “Mwe, une mbagile ukubala ifyo!” Popapo polelo ifyene fyasanukaga, ukugwa pa *uyu* kangi ukubuka kangi kuli *yula*; kangi aligwesa alinkuyoba mu ndimi, ukusanusya. Kyosa

ikipanga kilinkuyoba mundimi, loli ukwene kukabonekaga ukuti ukusanusya kwisaga bo kwa banyambala babili bala. Lilino, une ndinkuketa abene bikele kifuki pamopene, une ndinkwinogona, “O, mwe, bala babagile ukuya Bandumi!” Polelo bo nikele kunyuma kula . . .

⁹¹ Kali fyali fiki fila (umwe mumenye) une ndikusita ukufipilikisya, Ikyene kisaga pa une. Kangi une ndinayo injila iyakufimanyila ifindu linga Untwa ikulonda une ukumanya ikyene, umwe mumenye. Kangi une ndiku. . . Iyi yo nongwa une nguyoba ukuti une ndikutuyila panja iki, siku pakilundilo umma. Linga une naloliloli ngulonda ukukyaga kilikyosa, Untwa utubalilo twingi ikumbula kufwana ni findu ifi. Iyo yo nongwa ikyabupi kilipo, umwe muketile. Polelo umwe mukabagila itolo ukukitagila kila uko pa bandu, kikwipela ukuya kufwana kutaga amabwe amapala pa ngulube. Ikyene kyikemo, kindu kikemo, kangi ugwe utikulonda ukubomba isyo. Polelo, Kyala isakungolaga une pa bulongi. Bo kukuyoba ku bakundwe ni finine, une ngabagila ukulondesya ikindukimo ikibibi ikya nkundwe.

⁹² Akabalilo kamo bo nikele pa tebulo nu nnyambala yumo, umwene alinakyo ikiboko anyubatile une, alinkuti, “O, Nkundwe Branham, une nguganile ugwe.” Popapo une ndinkwipilika akabalilo kalikosa ikindukimo kikwenda. Une ndinkuketa umwene. Umwene angali akambula une silasila; une namenye ukuti umwene akalinganile, muketile, kabuno ikyene kyali palapala. Umwene ali naloliloli mtungulu, linga alipo yumo, muketile, kangi palapala itolo umwene nikiboko kyake anyubatile une.

⁹³ Une ndinkuti, “Ena, popapo,” kangi ndinkusokapo. Une ndikulonda ukumanya ikyo. Une kinunupo mmanye itolo umwene mumo une nummanyile, ukuya nkundwe gwangu, nukuti fileke fikindililege lululo. Ndeke Kyala abombege fyosa ifinine. Muketile? Kangi une ndikulonda uku. . . ndikumanya, ukulonda ukumanya ifindu ifyo.

⁹⁴ Kangi utubalilo twingi pa findu ifi, ikyene kikaya kuno nkipanga. Une lumo ngwikalaga ku kipinda, nikele ku buyo ubwakulyelako, polelo u Mbepo Mwikemo ikumbulaga ifindu ifi fikubonekaga. Abandu aba bali apa bamenye ukuti isi syabwanaloli. Une ngwikalaga pasi ku nyumba, kangi une nguyobaga, “Lilino, mwandege, lilipo iligali likwisaga mukabalilo kanandi. Ikuyaga mundu *gwakuti-gwakuti*. Batwalaga abene nkati, kabuno Untwa atile abene bisakuyaga apa.” “Linga uswe tukubuka mungindi, fikubonekaga ifindu *fyakuti*. Mwandege pa bupingikongindi yila pala, panongwa yakuti mukuyaka kifuki kukung’ayigwa.” Kangi itolo keta linga sitakuyaga mumo, muketile, akabalilo kosa, katikati itolo! Polelo ugwe utikulonda ukwisopa fiyo mu fifyo, panongwa yakuti ugwe. . . Ikyene—ikyene kyo. . . Ugwe ubagile

ukukibombela imbombo ikyene, ikyene kyo kyabupi kya Kyala, loli ugwe kufumbilisigwa ukuti gwandegwe ukuti kubombaga fiki in kyene. Kyala isakukubikaga ugwe pa bulongi.

⁹⁵ Keta Mose. Mose ali mundu ntumigwa-na-Kyala. Ngimba umwe mukwitika ifyo? Unsonguligwa, umpakigwenganila, nukumpela ayege nsololi! Kangi Kyala alinkuntuma kula, alinkuti, “Buka ukayobe ku libwe,” akufuma ukuti ilyene litalile likomigwe. Alinkuti, “Buka ukayobe ku libwe, kangi ilyene likutwalaga panja amisi gake.”

⁹⁶ Loli Mose, akalele, alinkubopela panja pala nukulitika ilibwe. Amisi galinkusita ukwisa, umwene alinkulikoma ilyene kangi, ikuti, “Umwene mwebasambuke! Ngimba uswe tufumbilisigwege ukutwala amisi ku libwe ili?”

⁹⁷ Umwe mukete is Kyala abombile? Amisi gasokile, loli Umwene alinkuti, “Fyuka kuno, Mose.” Bula bwali bo bumalikisyo bwa isyo, muketile. Ugwe ubagisenie ukuketesya ifinduifyo, polelo ugwe. . . ifi kubomba ni fyabupi Fwakyala.

⁹⁸ Bomumo itolo undumbilili yumo, undumbilili unnunu ugwamaka, umwene ikusoka nukulumbilila itolo ukuti afyagege ifihombigwa ni hela, Kyala isakunkolelaga umwene ku bulongi panonga ya ikyo. Isyo syabwanaloli. Ugwe ubagisenie gwandegwe ifi ugwe kubomba ni fyabupi Fwakyala. Kangi, pamo kugela ukupela ubumogi bumo ubunywamu pamo ingamu inywamu panongwa ya kipanga kimo, pamo ingamu inywamu iya umwene. Une po kinunupo une nje ni ngomana isya pakilo ibili pamo itatu nu kwaka pabuyo bumo, nukuya gwakwiyuyula, kangi nukusyala gwapasi. Kangi umwe mumenye ifi une nguyoba. Ena, nkulumba, akabalilo kosa iyaga papo pabuyo papo Kyala abagile ukubika ikiboko Kyake pa ugwe.

Iki kyo Bumi bwankati lilino, kumbukaga.

⁹⁹ Popapo polelo ilisiku ili, une ndinkwinogona, “Ena, une ngwendga ukufyuka kulakula.” Kangi une nalalamusigwe na bandu bala, une ndinkwinogona, “Une ngalalusye fiyo isyakufwana na bandu bala.” Polelo panja pa lubingilo ndinkubalonda abene bo bumalike ubulumbilili. Une ndinkukelengania. Une ndinkumwaga yumo mwa bene, une ndinkuti, “Mwabomba, nkulumba?”

¹⁰⁰ Umwene alinkuti, “Mwabomba ndaga!” Alinkuti, “Yowe ndumbilili unnandi uyu alumbililege kulubunju ulu?”

Une ndinkuti. . . Une nali nifyinja malongo mabili na fitatu akabalilo kalakala. Une ndinkuti, “Ena, nkulumba.”

Kangi umwene alinkuti, “Ngimba ingamu yako yáli fiki?”

Une ndinkuti, “Branham.” Kangi une ndinkuti, “Iyako?”

¹⁰¹ Kangi umwene alinkumbula une ingamu yake. Une ndinkwinogona, “Ena, lilino, linga une mbagile itolo ukwaga ukupalamasya ukwa mbepo gwa umwene lilino.” Kangi palema,

kisita ukumanya iki kila kyabombaga ikyene. Kangi une ndinkuti, “Ena, yoba, nkulumba,” une ndinkuti, “mwe bandu umwe muli nako kamo aka une ngaya nako.”

Umwene alinkuti, “Ngimba gwambilile u Mbepo Mwikemo ukufumila papo ugwe gwitikege?”

Une ndinkuti, “Ena, une ndi gwa Baptisti.”

¹⁰² Umwene alinkuti, “Loli ugwe ngimba gwambile u Mbepo Mwikemo ukufumila papo ugwe gwitikege?”

¹⁰³ Une ndinkuti, “Ena, nkundwe, ugwe kuyoba siliku?” Une ndinkuti, “Une—une ngayanakyo iki umwe muli nakyo kyosa, une mmenye ikyo!” Une ndinkuti, “Panongwa yakuti umwe muli nakyo Ikindukimo iki kikuboneka ukuya kyamaka kangi polelo . . .”

Alinkuti, “Ngimba ugwe uyobilemo siku mundimi?”

Kangi une ndinkuti, “Umma, nkulumba.”

Alinkuti, “Une ngubula nakalinga itolo ugwe ukaya nagwe u Mbepo Mwikemo.”

¹⁰⁴ Kangi une ndinkuti, “Ena, linga une . . . Linga ikyo kyo iki kikulondigwa ukuya nagwe u Mbepo Mwikemo, une ngaya nakyo’mma Ikyene.”

¹⁰⁵ Kangi polelo umwene alinkuti, “Ena, linga ugwe ukayobelamo mu ndimi, ugwe ukuya nayo Umwene.”

¹⁰⁶ Kangi bo tukali tukuyobesania mu njila yilayila, une ndinkuti, “Ena, ngimba une mbagile ukummwaga kugu Umwene?”

¹⁰⁷ Umwene alinkuti, “Ingila nkipinda mula nukwanda ukundonda Mbepo Mwikemo.”

¹⁰⁸ Kangi ndinkumilisa ukunketa umwene, umwe mumenye. Umwene akámenye isi une nabombaga, loli umwene . . . une námenye umwene ali nukwipilikisya kumo ukuhesya, kabuno umwene . . . amaso gake galinkwanda ukufwa bo mandala bo ikungeta une. Kangi umwene . . . Loli umwene ali Nkristi ugwabwanaloli. Umwene nalilololi ali, ákamigwe losa itolo, Nkrisiti. Uko ko kotalusya. Ena, une ndinkwinogona, “Kyala atufyigwege, apa Ikyene kili! Une—une mbombile—une ngufumbilisigwa ukukyaga ikigemo kimo ku buyo bumo.”

¹⁰⁹ Une ndinkusoka panja, ukukelengania paliposa, une ndinkwinogona, “Une ngumwagaga unnyambala uyungi yula.” Polelo une bo numwagile umwene nukwanda ukuyoba ku mwene, une ndinkuti, “Mubombile, nkulumba?”

¹¹⁰ Umwene alinkuti, “Utile, kipanganki iki ugwe kubukako?” Umwene alinkuti, “Abene bikumbula ukuti ugwe guli m’Baptisti.”

Une ndinkuti, “Ena.”

Kangi umwene alinkuti, “Ugwe ukali akaya nagwe Mbepo Mwikemo, buli?”

Une ndinkuti, “Mulimoso, une ngamanya.”

Alinkuti, “Ugwe siku uyobilemo mu ndimi?”

Une ndinkuti, “Umma, nkulumba.”

Alinkuti, “Ugwe ukaya nayo Umwene.”

¹¹¹ Kangi une ndinkuti, “Ena, une mmenye ngaya nafyo ifi umwe mwesa muli nafyo. Une mmenye isyo.” Une ndinkuti, “Loli nkundwe gwangu, une naloliloli ngulondesysa Umwene.”

Umwene alinkuti, “Popapo, kilipo—kilipo ikitubwi kitendekesigwe.”

¹¹² Une ndinkuti, “Une nosigwe. Loli,” une ndinkuti, “Une—une ngambilila ifi umwe mwesa mulinafyo.” Une ndinkuti, “Umwe mulinafyo ifi une—une naloliloli ngulonda.”

Kangi umwene alinkuti, “Ena, ikyo kyo kinunu.”

¹¹³ Une nagelaga ukunkola umwene, umwe muketile. Kangi linga une...Akabalilo kako kubumalilo une ndinkukola umbepo gwake, lilino, uyo yo ali nnyambala uyungi, linga une nasiku nayobilemo ku nsyobekesi ugwapasi-pasi, pala alipo yumo mwa bene. Umwene itugasyaga...Unkasi gwake áli nkikulu gwanywili-nditu, umwene itugasyaga nugwa nywili nyelu kangi umwene ali na bana babili nu mwene. Ukunwa, ukuhelula, ukubopela kufilabu, kangi na filifyosa, loli nkati mula nukuyoba mu ndimi nuku solola.

¹¹⁴ Polelo une ndinkuti, “Gwentwa, unswege une.” Une ndinkubuka kunyumba. Uko ko kutalusya. Kangi une ndinkuti, “Une itolo ngwegaga...une ngabagila ukupilikisya ikyene. Kwafwanaga ukuti unsayigwa Mbepo Mwikemo agwaga, kangi, pa nsyobekesi yula.” Une ndinkuti, “Sikabagila! Ikyo kyo kimalike.”

¹¹⁵ Mukabalilo akatali aka polelo, une ngubala nukukúta, ukwinogona linga une nábagile ukusókamo na ifi une nábagile ukufyaga ukuti ifyene fyali fyo fiki. Apa yumo, un’Kristi ugwabanaloli; kangi uyungi yumo, unsyobekesi naloliloli. Polelo une ndinkwinogona, “Ngimba fyo fiki ifi? O.” Une ndinkuti, “Kyala lumo—lumo kilipo kimo kitamisye nanine.” Kangi une ndinkuti, pakuya mundu gwálwalo, “Ikyo kisaku... bagisenie ukukibona ikyene mwi Bangile. Ikyene kibagile.”

¹¹⁶ Kwa une, kilifyosa iki kiklikyosa iki kikubomba imbombo kibagile ukufuma mwi Bangeli pamo mma ikyene kikaya kitalusye. Kibagisenie ukufuma Muno. Ikyene kibagile ukusisimikisigwa mwi Bangeli, komma pa buyo bumobwene itolo, loli ikyene kisege mu njila yosa ukukinda mwi Bangeli. Une ngufimbilisigwaga ukwitika. Ikyene kikufumbilisigwa ukufwana katikati nukupinyana palikimo ni Lisimbo lililyosa

pamo'mma une ndikwitika ikyene'mma. Kangi polelo, panongwa yakuti Pauli áyobile, "Linga ugwandumi ukufuma ku mwanya ikwisa, ikulumbilila Inongwainunu iyingi yiliyosa, ndeke umwene fikuti agunigwege." Polelo une ngwitika i Libangeli.

Une ndinkuti, "Une ngákibwenemo siku nakimo bo kikikyoy mwi Bangeli."

¹¹⁷ Bo fikindilepo ifyinja fibili, bo unkasi gwangu afwile na fyosa, une náli kumwanya kula ku Green's Mill, kubuyo bwangu ubunini kumwanya kula, ngwiputa. Bo ngomwike mu mbako yangu ukukinda amasiku mabili pamo matatu, amasiku mabili agene gáli. Une ndinkwenda ukusóka panja ukuti ngwage akayabo ka ntuyo, untuyo gwa mbepo. Kangi akabalilo kako une nendile panja, ili Bangeli lyangu lyágonekigwe kusulo kwa kisinga bo une ngwingila itolo. Ikipiki ikikúlu iki kyaputigwile pasi, ikyene kyáli ni samba mu kyene. Lilino, ugwe. . . Kyali ni samba kumwanya bo *ulu*, kangi ikipiki iki kilambalelele pasi. Popapo une níkalaga mbutalibosa bwa kisinga kila, nukulambalala panja pala pakilo, nguketa mmwanya ukubuka kumwanya bo ulu, ikiboko kyangu kínusigwe bo *ulu*, kangi utubalilo tumo nagonaga utulo ngonile papanja pala bo lulalula, ngwiputa. Ukuya kufyamba kula amasiku gamingi, itolo komma ukulya pamo ukunwa, ukuya itolo kula ukwiputa. Kangi une ndinkusokela panja ukuti nsyagepo imbepo panandi, panja pa mbako yila; mmwene mwali mutalalifu, mubúndale munyuma mkati mula.

¹¹⁸ Polelo akabalilo kala une ndinkusóka panja kangi pala lilinkugona Ilibangeli lyangu papo une nalibikilepo Ilyene mmayolo, kangi ilyene lyásanukile pa Bahiburi untu gwa 6. Popapo une ndinkwanda ukubala palapala, "Uswe tulibikaga palubafu. . . pa. . . búkaga ku bupelelesye, komma ukwála kangi ulwálo lwa lupinduko ukufuma kumbombo infwano nu lwitiko kwa Kyala," ni fingi fya ifyo. "Kabuno ukwene ko kukabagila ukuti aba bámbililemo ulumuli akabalilo kamo, bábikigwe ukuya balilansi ba kyabupi kya kumwanya, kangi ni ngoleligwe nyingi," ni fingi fya ifyo. Loli lilinkuti, "Loli imifwa ni mitulwatulwa ifi fili kubupipi kubutagigwe, ifi kubumalikisyo. . . amisi. . . ifula yikwisa utubalilo twingi pa kisu kyapasi ukuti yikifwike ikyene nukukitendekesya ikyene kabuno iki—kila iki kili kifuki ku butagigwe, ni mifwa ni mitulwatulwa, ifi ubumalikisyo bwake ko kokigwa."

Kangi Ikindukimo kilinkukinda, "Huuuushi!"

¹¹⁹ Une ndinkwinogona, "Apa po Ikyene kili. Une lululu ulu ngupilikaga kilikyosa iki Umwene. . . Umwene ansumwisye une apa, Umwene ikwitendekesya ukumba imboniboni lilino." Kangi une ndinkugulila kusulo kwa kisinga kila, kangi ndinkugulila. Une ndinkusumuka nukwendendeka ukubuka nukugomoka,

ukufyuka nukusuluka. Ndinkwenda ukugomoka, nakimo nkilinkubombigwa. Ndinkwenda ukugomokela ku mbako yangu kangu, nakimo kilinkuboneka. Une ndinkwima pala, kangu une ndinkwinogona, “Ena, ngimba ifi fyo fiki?”

¹²⁰ Une ndinkwenda ukubuka ku Libangeli lyangu, kangu, o, Ikyene itolo kilinkwisa paliposa pa une kangu. Une ndinkulipimba Ilyene, kangu une ndinkwinogona, “Ngimba fyo fiki ifi fili muno ifi Umwene ikulonda une mbale?” Une ndinkukindilila ukubala pási isya “ulupinduko ukubuka kwa Kyalala, nu lwitiko,” ni findu ifingi, kangu une ndinkubala pasi apa Ilyene lyatile, “Ifula utubalilo twingi yikwisa pa kisu ukukifwalika ikyene nukukitendekesya ikyene kuko ikyene kipeleligwe, kabuno apa, loli imifwa ni mitulwatulwa ifi fili kifuki ku butagigwe ifi ubumalikisyo bwake ko kokigwa.” Kangu, o, Ikyene itolo kilinkunsenyenda une!

¹²¹ Kangu une ndinkwinogona, “Gwentwa, ngimba Ugwe kumbaga imboniboni ya fiki...” Une náli kumwanya kula ukunsuma Umwene pakandu kamo pamo akangi.

¹²² Palapala nkabalilo kamokene, pankyeni pangu, une ndinkuketa ikisu kikubunguluka, kangu ikyene kyaliniengenie mosa. Kangu apa alinkubuka umundu ni fyelu, inwisye untu gwake, ikusópa Imbeyu syake bo ulu. Kangu umwene bo akindle, kulinkwisa, akabalilo kako itolo umwene alinkubuka ukukinda ikyamba, apa alinkwisa umundu ku nyuma yake, afwele ifititu, untu gwake gwinamile pasi, ikusópa imbeyu. Kangu akabalilo kako imbeyu inunu sipandege, isyene syali ngano; kangu akabalilo kako imbeyu imbibi sipandege, isyene syáli ndulwe.

¹²³ Kangu polelo kulinkwisa ulumu ulukulumba pa kisu, kangu ingano yilinkwinamisya untu gwake pasi, itolo panandi ukupyutigwa, ukulonda amisi. Kangu une ndinkuketa abandu bosa namaboko gabo mmwanya, ukwiputa kya Kyala ukuti atumege amisi. Kangu polelo une ndinkuketa ndúlwe, umwene alinamisye untu gwake pasi, ukwinamila amisi. Kangu itolo palapala amabingu amakulumba galinkwisa posa kangu ifula yilinkoneka itolo pasi. Kangu iyene boyigwile, ingano innini iyi yalinamile pasi yilinkuti, “Wiiishi,” yilinkwima mmwanya mulamula. Kangu dulwe unnini pa lubafu lwake alinkuti, “Wiiishi,” alinkwima mmwanya mulamula.

Une ndinkwinogona, “Ena, ngimba kila fyo fiki?”

¹²⁴ Polelo silinkwisa kumwangu. Apa ikyene kili apa. Ifula yimoyene iyi yikupela ingano ukuti yikulege, yikupela ndulwe ukuti akulege. Kangu u Mbepo Mwikemo yuyo abagile ukugwa pa kibugutila kya bandu, kangu abagile ukusaya untungulu itolo mumo Umwene ikusayila abangi. Yeso aatile, “Ni seke syabo ugwe gwisakubamanyaga isyene.” Komma kali ukuti umwene

ikukolelaga, kali ikuhobokaga, loli “isyene ni seke syake umwe mwisakubaganiaga abene.”

125 Une ndinkuti, “Ugwe gulipo!” “Une nsyagile, Ntwa.” Une ndinkuti, “Polelo bula bo naloliloli Bwanaloli.” Umundu uyu. . . Ugwe ubagile ukuya ni fyabupi kisita kummanya Kyala.

126 Popapo polelo, une—polelo une ndinkwanda ukuya gwa lukani fiyo ukufwana nisyakuyobela mu ndimi, umwe muketile. Loli ilisiku limo polelo, mumo Kyala asisimikisye kila kwa une!

127 Une nosyaga kula kukisoko, abapinduke bangu abakwanda, ku Kisoko kya Ohio, kangi umundu gwa kalongo na bahano na babili uyu une numosyege, bo une ngwanda itolo ukumosya, polelo une ndinkuti, “Gwe Tata, bo une ngumosya umwene na misi, Ugwe umosye umwene nu Mbepo Mwikemo.” Une ndinkwanda uku—uku mbika umwene mmisi.

128 Kangi itolo palapala kafulambepo alinkwisa ukufuma ku mwanya mmwanya, kangi apa lulinkwisa u Lumuli, lukumulika pasi. Abamia na bamia ba bandu bali pisilya, itolo pa sala ya bubili pamusi, mu Juni. Kangi Ikyene kilinkunkwima mmwanya mwa apa une nálimile. Ilisyu lilinkuyoba ukufuma mulamula, kangi lilinkuti, “Mumo Yohani Umosi atumigwe ukuya ntasi gwa kwisa ukwakwanda kwa Kristi, ugwe guli ni. . . guli ni Ndumi iyi yikutwalaga ukutala ukwisa kwakibili kwa Kristi.” Kangi ukwene kwafwanaga ukundetemesya une ku bufwe.

129 Kangi une ndinkugomoka, na bandu bosa pala, aba—abanyambala basulafisulu na bosa bene, abulisyamikota, na bosa bene pisilya. Une nályosisye kifuki abamia babili pamo batatu amayolo gala. Polelo akabalilo kako abene bánsosyengemo, ukungwábila panja pa misi, abalindilikipanga na bangi balinkufyuka, abene balinkundalusya une, balinkuti, “Ngimba Ulumuli lula lwasanusyaga fiki?”

130 Ikibugutila ikikulumba ikya bandu abálangi ukufuma ku—ku kipanga kya Gilt Edge Baptisti na ba kipanga kya Lone Star kwitongo kula, kangi bingi ba balabala bálipo kulakula, abene balinkwanda ukukuta akabalilo kako abene baketege fila fibombigwege, abandu balinkusilika.

131 Undindwana yumo uyu une ndinkugela ukuti asókemo mbwato kula, ikele pala afwele utwenda twakógela nato, umfundi gwa sukulu ya pa Ndungu, kangi une ndinkuti, “Ngimba ugwe utikusókamo, Margie?”

Umwene alinkuti, “Billy, une ndikufumbilisigwa ukusókamo.”

132 Une ndinkuti, “Uko ko kotalusya, ugwe utikufimbilisigwa, loli une mbagile ukuya nu luyindiko ulwakufwana fiyo ku Inongwainunu ukusokako kuko une ngosya.”

Umwene alinkuti, “Une ndikufimbilisigwa ukubomba.”

133 Kangi akabalilo kako umwene álitugesye pala ikusekaseka nukunseka une bo ngosya, kabuno umwene akitikaga'mma ndosyo, polelo akabalilo kako Ugwandumi gwa Ntwa ikwisa umwene alinkwinamila kunkyeni mbwato. Umusyugu undindwana uyu alikukipatala kya basyutamitu. Polelo ugwe ukabagila ukwangala na Kyala. Muketile? Lilino, ukufuma apo... Undindwana ummogi, alinkubuka ukunwa ukufuma apo, alinkutikigwa ni supa ya—ya supa ya bwala, ukukeka ikisyo kyosa pasi. O, umundu unsisya-pakunketa! Popapo pala sili syabombigwe.

134 Kangi polelo mosa mumumo ukukinda mbumi une nasiketaga isyo, ukuketa ifyo fikwenda, ukuketa imboniboni sila, mumo ifindu fila fyabombeligwaga. Polelo, ukufuma apo panandi, Ikyene kilinkumilisya ukundamia fiyo, kangi aligwesa ikumbula une ukuti Iki kyáli kisobe. Kangi une ndinkusumuka ukubuka ku buyo ubugonelo kumwanya kula kuko une utabalilo twingi niputaga ukukindilila. Kangi une... Kali niputaga fiyo bulebule ukuti Kila kingisaga kwa une, Ikyene kilinkwisa pope. Kangi polelo une nali itolo... une náli—une náli ngulila finyamana mu State ya Indiana. Kangi une ndinkwingila, álipo unnyambala yumo ikele pala, undumbu gwa nkuba-piano ku kipanga. Kangi umwene alinkuti, “Billy, ngimba ugwe ubagile ukubuka paligali nanine ku Madison amayolo aga?”

Une ndinkuti, “Ngabagila ukubomba isyo, une ngufimbilisigwa ukubuka ku matengele.”

135 Kangi une... itolo ndikwisa ukusyungutila inyumba nukufula ingwamba, ingwamba ya ndusu ni findu fingi, nukupeteka amaboko ga syati. Uswe twagonaga nkayumba akanandi akafipinda-fibili, kangi une nabagile ukuti nsugusule nukwitendekesya ukuti ndye. Kangi une ndinkusugusula, kangi nukwenda ukusyungutila kulubafu lwa nyumba, pasi pa—pa kipiki kya nsyunguti, kangi nkabalilo kamokene itolo Ikindukimo kilinkuti, “Huuuuussh!” Kangi une itolo kifuki ukusilika. Kangi une ndinkuketa, kangi une ndinkumanya ukuti ikyene kyali Kila kangi.

136 Une ndinkwikala pabwingililo bwa nyumba, kangi umwene alinkunyela ukufuma mwigali lyake kangi alinkubopela kuli une, alinkuti, “Billy, ngimba ugwe kusilika?”

Une ndinkuti, “Umma, nkulumba.”

Umwene alinkuti, “Fitamisyé fyo fiki, Billy?”

137 Une ndinkuti, “Une ngamanya.” Une ndinkuti, “Itolo kindililaga, nkundwe, isyo silikanunu. Ndaga fiyo.”

138 Unkasi gwangu alinkusoka panja kangi alinkutwala ikikopo kya misi, alinkuti, “Lúki, fiki fitamisyé?”

Une ndinkuti, “Nakimo, ndumbulanyafu.”

139 Polelo umwene alinkuti, “Isaga lilino, ifindu fitendekesigwe,” popapo umwene alinkubika ikiboko kyake ukufumbatila une, ukugela ukunyingisya une.

140 Une ndinkuti, “Luuki, une—une ngulonda ukukubula ugwe ikindukimo.” Une ndinkuti, “Ugwe ubakomele ifoni abene nukubabula abene une ngabagila ukubuka kulakula amayolo aga.” Une ndinkuti, “Meda, ndumbulanyafu,” une ndinkuti, “une mmenye mundumbula yangu nunganile Yeso Kristi. Une mmenye ukuti ngindile ukufuma ku bufwe ukubuka ku Bumi. Loli une ndikulonda u setano ukuti ayege na kandukamo nanine.” Kangi une ndinkuti, “Une ngabagila ukukindilila lululu; une ndigwaminyololo.” Une ndinkuti, “Akabalilo kalikosa, akabalilo kako ikindu iki kikuboneka, ni findu bo fififyo, ni mboniboni isi sikwisa, ni finine bo fififyo. Pamo, kali kyo fiki,” une ndinkuti, “ifyofikubombigwa kwa une.” Une ngákimenye ikylene ukuti yáli mboniboni. Une ngayikolelaga iyene ukuya mboniboni. Une natigi, “Injosi syapamusi sifwanega,” une ndinkuti, “Une ngamanya ukuti ikylene kyo fiki. Kangi, lúki, une—une—une—une ndikulonda ukwangwala ni kyene, abene—abene bikumbula une ukuti iki yo setano. Kangi une nunganile Untwa Yeso.”

141 “O,” umwene alinkuti, “Billy, ugwe komma ukupilika isi abandu bikukubula.”

142 Une ndinkuti, “Loli, lúki, baketa abalumbilili abangi.” Une ndinkuti, “Une—une ndikukilonda ikylene.” Une ndinkuti, “Une ngubukaga ku buyo bwangu mmatengele. Une ndinago ama dola kalongo na mahano, ugwe umpakikisyege u Billy.” Billy ali ndumyana unnini akabalilo kalakala, umwinitu unnini fiyo. Une ndinkuti, “Ugwe—ugwe untende. . . Isyo sikufwanaga kuli ugwe na Billy ukuyaga nu bumi, pa kabalilo. Bimbila ifoni abene kangi ubabule abene une—une lumo ngugomokaga kilabo, kangi lumo sandisakugomokamo siku. Linga ngagomoka mmasiku mahano, bika unnyambala mmbuyo bwangu.” Kangi une ndinkuti, “Meda, une ndisakusókamo ukufuma mmatengele gala abuye Kyala afige nanine ukuti Umwene isakusoyako ikindu kila ukufuma mwa une kangi atisakukyitisyaga ukuboneka kangi.” Inogona ubusitakumanya ubu umundu abagile ukuya!

143 Kangi une ndinkubuka kula ubusiku bula. Ndinkubuka ukugomokela mula ndwalo ulukulu ulunini ulwakapinda, bo likáli ilisiku ilikonge; kwáfwe kwálílile. Une nabukaga ku bugonelo bwangu kilabo kyake, pamwanya pa . . . ukukindapo ukusyungutila ikyamba, pamo akamba akanini, ndigi, nukubuka mmatengele kula. Une ndikusubila ukuti aba F.B.I. bábagile ukunyaga une kula. Polelo akapinda akanini aka . . . une niputaga amayolo gosa gala kangi bo kukali nukwila fiyo umma. Une náliputile, nabala mula mwi Bangeli apa Ilyene lyatigi, “Umbepo gwa nsololi guli pa lulagilo lwa unsololi.” Une

ndinkutoligwa ukusyagania isi. Polelo kulinkwila fiyo nkapinda akanini akakúlu.

¹⁴⁴ Mumo une nalisibile ukutega bo ndindumyana, nali nu lugoye lwa kipingo mula, nukubuka kula ukuloba iswi nukwikala kula ubusiku bosa. Itolo akatembe akakule akapangukano kikele palapala, kali pala pa fyinja fingi. Ungonelaji yumo áfwene álikelelemo mulamula bo kakali ukufika ukuya bo lulalula.

¹⁴⁵ Kangi polelo une—une ndinkugulila itolo pala. Une ndinkwinogona, “Popapo.” Ndinkwisa ukukinda isala yakwanda, yabubili, iyabutatu ku lubunju, une ndinkwendendeka nukugomokela nkapinda pa kipálo, ukwenda ukubuka nukugomokela. Une ndinkwitugala pasi pa kakota akanini akakúlu pala, akanini. . . komma akakota, akabokosi aka tundu akanini akakulu. Kangi une ndinkwitugala pasi pala, kangi une ndikwinogona, “O Kyala, ngimba Ugwe kubomba fiki iki kwa une?” Une ndinkuti, “Tata, Ugwe umenye une nguganile Ugwe. Ugwe umenye ukuti une nguganile Ugwe! Kangi une—une—une ndikulonda ukukamatigwa nu sétano. Une ndikulonda ifindu ifi ukuboneka kwa une. Nalamba, Kyala, komma ukukikisya ikyene kiboneka ukwandisya kangi.”

¹⁴⁶ Une ndinkuti, “Une—une nguganile Ugwe. Une ndikulonda ukubuka ku gehena. Ngimba kili ni mbombo yafiki ukuti une ndumbililege, kangi nukugela, kangi nukubikapo ukugela kwangu linga une nsobile? Kangi ndikwiyegela nimwene ku gehena, une ngusyoba ma elifu ga bandu abangi.” Pamo aba mia ba bangi utubalilo tulatula. Kangi une ndinkuti. . . une náli abakungonga bingi. Kangi une ndinkuti, “Ena, une—une ndikulonda siku ukuti ikyene kibonekege kwa une kangi.”

¹⁴⁷ Polelo une ndinkwitugala pa kakota akanini aka. Polelo une itolo ngwitugala, o, ukufwana ndubafu ulu, itolo bo *ulu*. Kangi, nkabalilo kamokene itolo, une ndikulubona Ulumuli lukumulika nkapinda. Une ndinkwinogona umunduyumo isaga nu lumuli. Kangi une ndinkukelengania, kangi une ndinkwinogona, “Ena. . .” Kangi apa Ulwene lwalipo, papapa apa pa nkyeni pangu. Kangi amatapwa ga mipiki amakúlu pasi pa kipálo. Kangi pala Ulwene lulinkuyapo, palapala pa nkyeni pangu. Pálipa pabupiyilo pa ki diramu pikele pa nguto, pamwanya pake paswanyuligwe ukufuma pa apene. Kangi—kangi nkati itolo *apa* lwalipo u—u Lumuli pasi pa kipálo, kangi une ndinkwinogona, “Ena, kokugu lula? Ena, ulwene lutikwisa’mma. . .”

¹⁴⁸ Une ndinkukelengania. Kangi apa Ulwene lwali pamwanya pa myangu, Ulumuli lululu *ulu*, palapala pala pamwanya pangu, lukobekigwe palapala bo *ulu*. Lukusyungutila mosa bo gu moto, ikyene kyáfweni ni langi ya emerald, kikubuka, “Huuushi, huuushi!” bo ulu, itolo pamwanya pa Lwene, bo ulu.

Kangi une ndinkuluketa Ulwene. Une ndinkwinogona, “Ngimba Iki kyo fiki?” Lilino, Ulwene lulinkumba une ulutende.

¹⁴⁹ Une ndinkupilika yumo ikwisa [Nkundwe Branham ikwegelela yumo ikwenda—Nsimbi.] itolo ukwenda, itolo, ikyene kyali kisitafilato. Kangi une ndinkukibona ikilundi kya Mundu kikwingila. Ukwene kwáli ngisi nkapinda, mosa loli pene palapala pala pápo Ulwene lwamulikaga pasi palapala. Kangi une ndikukibona ikilundi kya Nnyambala ikwingila nkati. Kangi akabalilo kako Umwene ingilege nkapinda, alinkusegelela, Umwene áli Nnyambala ugwakufwana... abonekaga ukuti álinsito amapaundi abamia babili. Umwene ápetike amaboko Gake bo *ulu*. Lilino, une nakibonaga Ikyene mwa Kafulafumbi, une nakipilíke Ikyene kikuyoba kwa une, kangi nukukibona Ikyene nuboboneke bwa Lumuli, loli kabalilo ka kwanda une ngetilemo siku ikifwani kya Ikyene. Ikyene kilinkusegelela kuli une, kifuki fiyo.

¹⁵⁰ Ena, mbwanaloli binangu, une—une ndinkwinogona ukuti indumbula yangu yikusililikaga mwa une. Une...Inogonela itolo! Ibikapo gwimwene apo, Ikyene kikapelaga ukuti ugwe gwipilikege mulamula. Ugwe pamo uli pa butali pá njila ukukinda na une, pamo uli Nkristi akabalilo katali ukukinda nanine, loli Ikyene angali kipelile ugwe gwipilikege mulamula. Kabuno bo mbonekeligwe utubalilo mia na bamia, ikyene kikunsililisa une akabalilo kako Umwene ikusegelela. Ikyene utubalilo tumo ikyene itolo kikapela une...Une kifukifuki ngufwa ukumalikisya, itolo kisitamaka fiyo akabalilo kako une ngusokapo pa kigemo. Linga une ngwikalisya akabalilo akatali, une ngusima ukumalikisya. Une mbapelile abene banyendesya ukusyungutila isala sinyingi, kisita kumanya ukuti une ndikugu. Kangi une ngabagila ukulingania ikyene. Bala muno mwi Bangeli, kangi Ilyene likulinganiaga Ikyene, ukuti ikyene kyo fiki. Momumo Amasimbo gikuyobela!

¹⁵¹ Polelo une nalikele pala nukunketa Umwene. Une—une nafwene nali niki boko kyangu mmwanya bo *ulu*. Umwene aketaga kukumyangu itolo, itolo mbuhobofu. Loli Umwene ali na masyo amakulumba fiyo, kangi Umwene alinkuti, “Komma ukuyanulutende, Une ndumigwe ukufuma Kukuyapo kwa Kyala Mwenemakagosa.” Kangi akabalilo kako Umwene ayobege Ilisyu lila, lila lyali Lisyu lilalila ili liyobege nanine akabalilo kako une njege ni fyinja fibili, nutubalilo tosa mbukule bwangu. Une ndinkusyagania ukuti yula ali yu Mwene. Kangi une ndinkwinogona, “Lilino...”

¹⁵² Kangi pilika iki. Lilino, pilika isyakuyobesania. Une ngwandisyaga ikyene mulamula fiyo mumo une mbagile, mumo mmanyile, lisyu pa lisyu, kabuno une ngutamigwa ukukumbukila umma.

153 Kangi Umwene... Une ndinkuti... Ndinkunketa Umwene bo ulu. Umwene alinkuti, “Komma ukuyanulutende,” mwa myemyemye itolo, alinkuti, “Une ndumigwe ukufuma Kukuyapo kwa Kyala Mwenemakagosa, ukukubula ukuti abupapigwe bwako ubuswigisye...” Mumo umwe mumanyile ukuti ubupapigwe bwangu ubuswigisye ubu bwalipo kula. Ulumuli lulalula lulinkwipayika pamwanya pangu akabalilo kako une nápapigwe ukwanda. Popapo polelo Umwene alinkuti, “Ubupapigwe bwako ubuswigisye kangi ubumi ubusitakupilikisigwa ko kubonesya ukuti ugwe ubagile ukubuka kukisu kyosa nukwiputula abandu ababine.” Kangi alinkuti, “Kangi kali abene balinafyo filiku...” Kangi Umwene alinkulataingamu. Kyala, Uyu yo Ndongi gwangu, ikumanya. Ukuti, Umwene alinkulataingamu “kansa.” Alinkuti, “Nakimo...Linga ugwe kubatwala abandu kukwitika ugwe, kangi gwiyiipege mundumbula linga kwiputa, nakimo kisakwimaga pankyeni pa nyiputo syako, yope na kansa umma.” Muketile, “Linga ugwe kubatwalaga abandu kukwitika ugwe.”

154 Popapo une ndinkuketa Umwene akáli ndugu gwangu umma, Umwene ali Mwinangu. Kangi une ngamenye ukuti kali—kali une nafwaga pamo ukuti fyo fiki ifi fyabonekaga akabalilo kako Umwene asegelelaga kumyangu lulalula. Kangi une ndinkuti, “Ena, Nkulumba,” une ndinkuti, “Une ndi...” Namenye fiki ifya bubumbulusyo ni findu bo fifyo? Une ndinkuti, “Ena, Nkulumba, une ndi...une—une ndimundu un’dondo.” Kangi umwene alinkuti, “Une ndipakati pa bandu bangu. Une—une ngwikala na bandu bangu aba balondo. Une ngamanyila.” Kangi une ndinkuti, “Kangi une—une—une ngabagila, abene batisa—abene bakabagila ukumbilikisya une.” Une ndinkuti, “Abene—abene bakabagila—abene bakabagila ukumbilika une.”

155 Kangi Umwene alinkuti, “Bo lulo unsololi Mose apegigwe ifyabupi fibili, ifimanyilo,” ndigi, “ukusisimikisya ubutumigwa bwake, nugwe kupigwaga fibili—nugwe kupigwaga ifyabupi fibili ukusisimikisya ubulumbilili bwako.” Umwene alinkuti, “Kimo mwa fyene kisakuyaga ukuti ugwe kumwegaga umundu uyu kummwiputula pa kiboko, ni kiboko kyako ikimama ni fyabo ikyakukililo,” kangi alinkuti, “palapala itolo imam myee, kangi, kangi ikyene kikuyaga... pisakuyaga ikiswigo kyakuboneka iki kisakubonekaga mu mbili gwako.” Kangi alinkuti, “Popapo ugwe iputa. Kangi linga kikuleka, ububine busokile Ukufuma ku bandu. Linga ikyene kitikuleka, itolo suma ulusayo kangi sokapo.”

“Ena,” une ndinkuti, “Nkulumba, une ngutila ukuti abandu batisa kunyambilila une.”

156 Umwene alinkuti, “Kangi ikingi kisakuyaga, linga abene batisakupilika ikyo, polelo bisakupilika iki.” Alinkuti, “Polelo ukwene kukwisa kubonekaga ukuti ugwe kwisakumanyaga

ifyakubutitu fifyo ifya mundumbula syabo.” Alinkuti, “Iki kyo abene bisakupilika.”

¹⁵⁷ “Ena,” une ndinkuti, “Nkulumba, iyo yo nongwa une ndikuno ikilo iki. Une mbuligwe na baputi bangu ukuti ifindu ifyo ifi fisaga kwa une fyali fyabusobi.”

¹⁵⁸ Umwene alinkuti, “Ugwe gwapapigwe nkisu iki pa nongwa yiyiyi.” (Muketile, “ifyabupi nu kukoleligwa panja pa lupindiko.”) Umwene alinkuti, “Ugwe gwapapigwe nkisu iki pa nongwa yiyiyi.”

¹⁵⁹ Popapo une ndinkuti, “Ena, Nkulumba,” une ndinkuti, “ukuti, abaputi bangu bambulile une ukuti—ukuti ikyene kyali i—i misyuka nyali.” Kangi une ndinkuti, “Abene... Iyo yo nongwa une ndikuno ukwiputa.”

¹⁶⁰ Kangi syo isi isi Umwene alinkwandisya kumyangu. Umwene alinkwandula kumyangu ukwisa kwa Ntwa Yeso pa kwisa Kwake ukwakwanda. Kangi une ndinkuti. . .

¹⁶¹ Ikindu ikihesya kyali, mwe binangu. . . Ena, une ngwimaga papapa apa pakabalilo kanandi itolo, gomokela. Iki kyambaga ulutende ukukinda bwila, akabali kalikosa une naganega nabalagusi, abene bakyaganiaga ukuti ikindukimo kyabonike. Kangi ikyo itolo kyapelaga. . . Ikyene pabupipi ukuti kingogege itolo.

¹⁶² Pakugelekesya, ilisiku limo untani gwangu na une twikililaga ukukinda u—u buyo bwa ifyafibonekesyo, kangi uswe twali balumyana itolo, tukukinda. Polelo alipo pala undagusi unini ugwayyolo itugele panja pala nkamo ka tutembe tula, unkikulu umwanike, akakikulu akanike akaboneka-kamogi, umwene alitugele pala. Kangi twesa twabukaga, tukukinda. Umwene alinkuti, “Hee, ugwe, uwesa apa pakabalilo kanandi!” Popapo twebatatu twebalumiana tulinkusanusia ifisyo. Kangi umwene alinkuti, “Ugwe guli nu mwenda ung’waleng’wale.” Yula ali yo une.

¹⁶³ Popapo une ndinkuti, “Ena, mama?” Une ndinkwinogona ukuti pamo umwene alonda une ukuti ngamulile Kokakola, pamo ikindukimo bo ikyo. Kangi umwene ali—ali nkikuli umwanike, lumo ni fyinja kubwandilo bwa malongo mabili, pamo nikindukimo, itugele pala. Kangi une ndinkusegelela, une ndinkuti, “Ena, mama, ngubombele fiki une ugwe?”

¹⁶⁴ Popapo umwene alinkuti, “Hee, ngumba ugwe umenye ukuti lulipo u—u Lumuli ulu lukukonga ugwe? Ugwe gwápapigwe pasi pa kimanyilo.”

Une ndinkuti, “Ngimba ugwe kusanusya fiki?”

¹⁶⁵ Umwene alinkuti, “Ena, ugwe gwápapigwe pasi pa kimanyilo kimo. Lulipo u Lumuli ulu lukukukonga ugwe. Ugwe gwápapigwe panongwa ya kukoleligwa kwa Bunyakyala.”

Une ndinkuti, “Sókapo ukufuma apa, nkikulu!”

166 Une ndinkwanda ukwenda ukukinda, kabuno mama gwangu alimbulile ifindu fila fyali fya setano. Umwene ayobaga isyabwanaloli. Polelo une . . . Ifyo fyandetemesyaga une.

167 Kangi ilisiku limo bo une ndi ndindila finyamana, ndinkufyuka mwi bási. Kangi ndinkufika mwi bási lila. Bwila nafwanaga natalambikigwaga ni mbepo. Une nalimile pala, kangi umwendesyasitima alimile kunyuma kwa une. Kangi nafyuka ukuti ngenesye, kangi une nafyukaga ukubuka ku Matengele ga Henryville, náli pa basi. Ndikukindilila ukwipilika kimo ikihesya. Une ndikukelengania, kangi pala alipo u—u nkikulu unywamu umbili itugele apo, afwele kanuno. Umwene alinkuti, “Mubombile?”

Ndinkuti, “Mubombile ndaga!”

168 Une ndinkwinogona umwene ali nkinkulu itolo, umwe mumenye, ikuyoba, polelo une ndinkumilisa itolo . . . Umwene alinkuti, “Une ngulonda njobe nanugwe pakabalilo kanandi.”

Une ndinkuti, “Ena, mama?” Popapo ndinkusyumbutuka.

Umwene alinkuti, “Umenye ugwe ukuti gwapapigwe pasi pa kimanyilo?”

169 Une ndinkwinogona, “Uyungi yumo gwa abakikulu ababuhesya.” Polelo une ndikusanukila ukuketa panja. Kangi ndinkusita kuyobapo ni lisyu na limo umma, itolo ndinkumilisa . . .

170 Umwene alinkuti, “Mbagile ukuyobapo nanugwe pakabalilo kanandi?” Kangi une ndinkumilisa . . . Umwene alinkuti, “Komma ukubomba bo lulo.”

171 Une ndinkumilisa ukuketa kunkyeni. Une ndinkwinogona, “Ubu bo bukaya bufwana-bunyambala.”

Umwene alinkuti, “Une ngulonda ukuyoba akabalilo panandi itolo.”

172 Une ndinkumilisa ukuketa kunkyeni, kangi ndinkusita ukumpilikisa umwene. Nakalinga itolo une ndinkwinogona, “Une ngusubila une ngete linga umwene ukuyobaga bo mumo bosa bene bikuyobela.” Une ndinkusyumbutuka, une ndinkwinogona, “O, mwe! Kula kulinkundetemesya une, une mmenye.” Panongwa yakuti une nakubengile ukwinogona bo lulo. Ndinkusyumbutuka.

173 Umwene alinkuti, “Pamo nilinganie nimwene.” Umwene alinkuti, “Une ne mmanyandondwa.”

Une ndinkuti, “Une ninogwinepo ukuti ugwe yogwe yumo gwa kikikyo.”

174 Umwene alinkuti, “Une ndi panjila ukubuka ku Chicago ukunkuketa umwanangu undumiana uyu ndumbilili gwa Baptisti.”

Kangi une ndinkuti, “Ena, mama.”

175 Umwene alinkuti, “Alipo yumo akubulilepo ugwe ukuti ugwe gwápapigwe pasi pa kimanyilo?”

176 Une ndinkuti, “Umma, mama.” Lilino, une nalinsyobile umwene pala, muketile, kangu une ndinkuti. . . itolo nalondaga ukuketa ifi umwene atigi ayobege. Kangu umwene alinkuti. . . Une ndinkuti, “Umma, mama.”

Kangu umwene alinkuti, “Ngimba. . . Bakakubulamo siku abalumbilili ugwe?”

Une ndinkuti, “Une nganafyo nafimo ifyakubomba na balumbilili.”

Kangu umwene alinkuti, “A-ha.”

Kangu umwene alinkuti. . . umwene—umwene alinkuyoba kwa une. . . une ndinkuti, “Ena. . .”

177 Umwene alinkuti, “Linga une ngukubula ugwe katikati akabalilo kako ugwe gwápapiligwe, ngimba ugwe kunsubilaga une?”

Une ndinkuti, “Umma, mama.”

Kangu umwene alinkuti, “Ena, une mbagile ukukubula akabalilo kako ugwe gwapapiligwe.”

Une ndinkuti, “Une ndikwitika ikylene mma.”

178 Kangu umwene alinkuti, “Ugwe gwapapigwe pa Epulelo gwa 6, 1909, isala ya buhano ndubunju.”

179 Une ndinkuti, “Uko ko kotalusya.” Une ndinkuti, “Ngimba, umenye bulebule isyo?” Une ndinkuti, “Mbula umwendesyasitima uyu apa akabalilo kako umwene ápapigwe.”

Umwene alinkuti, “Une ngabagila.”

Kangu une ndinkuti, “Inongwa? Ngimba ugwe gumenye bulebule?”

180 Alinkuti, “Keta, nkulumba.” Umwene alinkuti, akabalilo kako umwene andege ukuyoba isya bubalandondwa lilino, kangu umwene alinkuti, “Ukukinda ifyinja fyakuti. . .” Alinkuti, “Ugwe kukumbukila akabalilo kako indondwa yakulubunjila yisege, iyi yabalongolile abanyambala bamahala kwa Yeso Kristi?”

181 Une ndinkufwana nguyimika iyene, umwe mumenye, une ndinkuti, “Ena, une ngamanyapo nafimo ifyakufwana nukwiputa.”

182 Kangu umwene alinkuti, “Ena, ugwe upilikepo isyakufwana na banyambala bamahala bisege kwa Yeso.”

Une ndinkuti, “Ena.”

Kangu umwene alinkuti, “Ena, abanyambala bamahala báli fiki?”

“O,” une ndinkuti, “abene báli banyambala bamahala itolo, fyo fyosa ifi une nfimenye.”

¹⁸³ Umwene alinkuti, “Ena, unnyambala gwamahala yo ani?” Umwene alinkuti, “Kindu kilakila iki une yone, ummanyandondwa, ‘unketesya ndondwa’ abene bikubakolela abene.” Kangi umwene alinkuti, “Umwe mumenye, bo Kyala ikubomba kilikyosa mu—mu kisu kya pasi, Umwene bwila ukufumusya ikyene m’mwanya, ukufuma apo pa kisu.”

Kangi une ndinkuti, “Une ngamanya.”

¹⁸⁴ Kangi umwene alinkuti, “Ena . . .” Umwene alinkusikolela sibili pamo sitatu, sibili . . . sitatu indondwa, bo yu Mars, Jupiter, na Venus. Isyene sikali syo isyo umma, loli umwene alinkuti, “Isyene syapingisyene injila syabo nu kwisa pamopene nukupela . . .” Alinkuti, “Balipo abanyambala ba mahala batatu aba bisege ukwagana nu Ntwa Yeso, kangi yumo áli wa nduyungu lwa Ham, kangi yumo mwa abene ali gwa Shem, kangi uyungi ali gwa Yafeti.” Kangi alinkuti, “Akabalilo kako abene báganaga pamopene ku Betelehemu, indondwa sitatu isi abene bafumaga ngako . . . Umundu aligwesa pa kisu kya pasi,” alinkuti, “abene baliko kamo akakubómba ni ndondwa.” Alinkuti, “Ndalusya umwendesyasitima yula pala akabalilo kako umwesi kukusóka panja kangi ikisu kya mmwanya kikusóka panja, umwela gutibuka nakyó umma pamo ukwisa.”

Une ndinkuti, “Une ndikufimbilisigwa ukundalusya umwene isyo, une nsimenye isyo.”

¹⁸⁵ Kangi umwene alinkuti, “Mulimosa, ukupapigwa kwako kulinako kamo akakubómba ni ndondwa mmwanya mula.”

Kangi une ndinkuti, “Mulimosa, ikyo une ngakimanya.”

¹⁸⁶ Kangi umwene alinkuti, “Lilino, abanyambala ba mahala aba balinkwisa.” Kangi alinkuti, “Akabalilo kako indondwa sitatu, akabalilo kako . . . Isyene sisaga ukufuma imbafu isyakukindana popapo silinkwagana mu Betelehemu. Kangi abene bikuti abene balinkusyagania nakuyobesania, kangi yumo ali gwa nduyungu lwa Ham, Shem, na Yafeti, abana abalumiana batatu ba Nowa.” Kangi umwene alinkuti, “Polelo abene balinkwisa nukummwiputa Untwa Yeso Kristi.” Kangi alinkuti, “Akabalilo kako abene balaganege,” alinkuti, “abene batwele ifyabupi nukufibika kuli Umwene.”

¹⁸⁷ Kangi alinkuti, “Yeso Kristi ayobile mu bulumbilili Bwake ukuti akabalilo kako Inongwainunu iyi yilumbiligwe ku kisu kyosa (abandu ba Ham, Shem, na Yafeti), palapala po Umwene ikwisaga kangi.” Kangi umwene alinkuti, “Lilino, ifisu fila, ifisu fya kumwanya, akabalilo kosa ifyene fikusyungutila . . .” Alinkuti, “Ifyene filinkulekana. Ifyene fikisamo kangi mkisu ukufuma lulalula, mumo kumanyigwe. Loli” alinkuti, “Ifyinja abamia ubwingi bwakuti, ifyene fikupingania ukusyungutila kwabo bo *ulu*.” Linga fikubombigwa ukuti alipo

ummanyandondwa apa, umwene lumo abagile ukumanya isi unkikulu yula ayobaga. Une ngamanya. Polelo akabalilo kako umwene ayob- . . . Alinkuti, “Ifyene fikupingania bo ulu.” Kangi alinkuti, “Mu lukumbusyo lwa Kyabupi ikukulumba fiyo iki kyapegigwemo ku bunyamundu, akabalilo kako Kyala apege u Mwanundumiana Gwake. Akabalilo kako ifisu ifi fipinganiege kangi, fiki,” alinkuti, “Umwene ikutuma icyabupi ikingi ku kisu.” Kangi alinkuti, “Ugwe gwapapigwe pakupingania pa kabalilo kala.” Kangi alinkuti, “Iyo yo nongwa une nākimenye icyene.”

¹⁸⁸ Mulimosa, popapo une ndinkuti, “Nkikulu, icyakwanda, une ndikwitika kimokyene ikya icyene. Une ngaya mwiputiputi, kangi une ndikulonda ukupilika nasimo kangi isyakufwana nikyene!” Ndinkusokapo. Kangi popapo une ndinkutumula umwene nakalinga fiyo. Popapo une ndinkukindilila ukusóka panja.

¹⁸⁹ Kangi akabalilo kosa aligwesa . . . linga une ngwisa kwa yumo mwa bene, mo muno syayilaga. Kangi une ndinkwinogona, “Fiki aba setano bala bikubomba sila?”

¹⁹⁰ Polelo abalumbilili, bikuyoba, “Uyo yo Setano! Uyo yo Setano!” Abene bambelaga une ukwitika icyene.

¹⁹¹ Polelo popapo ubusiku bula kumwanya kula akabalilo kako une . . . akabalilo kako Umwene akumbusyege ku sila, une ndinkundalusya Umwene, Une ndinkuti, “Ena, ngimba fiki abalagusi ni findu ifyakufwana na fila, kangi na bandu bisusigwa-na-setano bala, aba utubalilo tosa bikumbula une isyakufwana nikyene; kangi nabaputi aba, abakundwe bangu, bikumbula une ukuti icyene kya misetano?”

¹⁹² Lilino, pilikisya isi Umwene alinkuyoba, Uyu Yuyo alipamwanya pakipicha. Umwene alinkuti, “Mumo isyene syayilile akabalilo kala, momumo isyene sikuyilaga umusygu.” Kangi Umwene alinkwanda ukulingania kwa une, ukuti, “Akabalilo kako ubulumbilili bwa Ntwa gwitu Yeso Kristi bukwanda ukuboneka, abaputi balinkuti ‘Umwene áli gwa Bezezebabu, u setano’; loli aba setano balinkuti, ‘Umwene áli Mwana gwa Kyala, u Mwelu Yula ugwa Israyeli.’ Abohesi . . . Kangi keta Pauli na Banarba akabalilo kako abene bayege kula kukulumbilila. Abalumbilili balinkuti, ‘Abanyambala aba bikukisanusya ikisukyapasi kumwanya-kuyege-pasi. Abene babibi, abane ba—abene bo ba setano.’ Loli undagusi unini ugwayiolo yula alinkusyagania ukuti Pauli na Barnaba báli bandu ba Kyala, alinkuti, ‘Abene bo banyambala ba Kyala aba bikutubúla uswe injila ya Bumi.’” Isyo syo syabwanaloli? “Abamipepo na balagusi, abandu bisusigwa-nasetano.”

¹⁹³ Loli uswe tukumulisya fiyo mbumanyakya, tubuye uswe tutikumanya nasimo isya Mbepo. Une ngusubila umwe mukungana ukufuma apa. Loli momumo isyene siyilile. Une

nguyoba na Pentekoste bope! Uko ko kotalusya. Ukukuta nukufina itolo paliposa fitikusanusya ukuti ugwe umenye kalikosa aka Mbepo.

¹⁹⁴ Ukwene ko kwagana, kisyo ku kisyo, uko ko ugwe kulonda. Ulo lo luko lwa Kipanga ulu Kyala ikwitendekesya ukukusya, uko ko kotalusyo, akabalilo kako umwe mukwagana pamopene mbumobwene na maka, mwa Mbepo.

¹⁹⁵ Kangi Umwene alinkubakumbusya abene. Kangi Umwene alinkumbula une mumo ubulumbilili bulinkusita kukipilikisya Ikyene, kangi nukunsisimikisya une ukuti ubulumbilili bakakipilikisye Ikyene. Kangi akabalilo kako Umwene ambulege fyosa ifya kufwan na ikyo kangi mumo Yeso. . .

¹⁹⁶ Une ndinkuti, “Ena, ngimba bule iki, ifindu ifi fikuboneka kumyangu une?”

¹⁹⁷ Kangi, umwe muketile, Umwene alinkuti, “Ifyo fisakongelelanagapo nukuya fikulumbapo kangi fikulumbapo.” Kangi Umwene alinkunsolela kumyangu une, ukumbula une mumo Yeso ábombile ikylene; mumo fikuti Umwene alisile kangi Umwene alisusigwe na maka aga gamanyilaganganila ifindu nukubabula abakikulu pa kisiba, ukwiyoba ukuti akaya mbumbulusi, ikwiyoba ukuti abombaga ifindu fila mumo itolo Tata alimbonisye Umwene.

Une ndinkuti, “Mulimosa, ngimba lo lukonki lwa mbepo ulu?”

Umwene alinkuti, “Umwene ali yo Mbepo Mwikemo.”

¹⁹⁸ Polelo ikindukimo kilinkubombigwa nkati mmyangu palapala, ukuti une ndinkusyagania ukuti ikindu kilakila iki une nakisindilaga inyuma kyali kyo iki Kyala álindwalile une apa. Kangi une ndinkusyagania ukuti kyali itolo bo ba Farisai bala mmasiku aga gakindile, abene basobesenie pakusanusya Amasimbo kwa une. Popapo ukufuma palapala une ndinkwega ukusanusya kwangu kwa nimwene kwa Ikyene, ifi u Mbepo Mwikemo áyobile.

Une ndinkumbula Umwene, “Une ngubukaga.”

Umwene alinkuti, “Une nguyaga na umwe.”

¹⁹⁹ Kangi Ugwandumi yula alinkukanya kangi Ndumuli ulu lwatalile ukwisa ukusyungutila nu kusyungutila, kangi ukusyungutila nu kusyungutila, nu kusyungutila mmalundi Gake bo ulu, alinkufyuka Ndumuli nukusoka panja pa nyumba yila.

Une ndinkubuka ku kaya mundu mupya.

²⁰⁰ Ndinkwenda ukubuka ku kipanga nukubabula abandu isya iki. Iki. . . pa Ndungu pakilo.

²⁰¹ Kangi pa kilo kya Kitatu abene balinkutwala unkikulu palapala, yumo mwa ba nasi ba ku Mayo ikufwa na kansa,

kikasyalapo nakimo gwene gu nsyungúlu. Akabalilo kako une nikililege ukunkola umwene, palapala palinkwisa imboniboni pamaso pa mwene, yikubonesya umwene agomokile ku bunasi. Kangi umwene asimbigwe mwakalata ku Louisville, “afwile ukukinda ifyinja fingi.” Umwene akali alipo ku Jeffersonville lilino, ikubomba ubunasi, abombilepo ubunasi ukukinda ifinja fingi. Kabuno une naketile pala, kangi ndinkuyibona imboniboni. Une ndinkusyumbutuka, ndinkusita kusyagania isi une nabombaga, nimile pala, une ndinkutetema akabalilo kako abene batwalege umfimba ugwakwanda nukugulambalika ugwene pala. Kangi aba nasi na bangi bimile ukusyungutila umwene, kangi umwene agonile, kangi ikisyo kyake kingile nkati kangi amaso gake gagomokile kunyuma.

²⁰² Margie Morgan. Linga umwe mukulonda ukunsimbila umwene, ukwene ko ku 411 Knobloch Avenue, Jeffersonville, Indiana. Pamo simbila ku Kipatala kya Clark County, Jeffersonville, Indiana. Alibapangila umwene a—a kapango.

²⁰³ Une ndinkuketa pasi pala. Kangi umfimba gwakwanda gula, ukuketa apa gukwisa, pala palinkwisa imboniboni. Une ndinkumbona unkikulu yula ikubomba ubunasi kangi, ikwendendeka ukusyungutila, alikanunu kangi anamaka kangi abumbulwike. Une ndinkuti, “ISI SYO IKUTI UNTWA, ‘Ugwe kuyaga nubumi kangi utikufwa umma!’”

²⁰⁴ Undume gwake, unyambala umwimikigwe fiyo mu findu fyapakisu, alinkungeta une bo *ulu*. Une ndinkuti, “Nkulumba, komma ukuya nulutende! Unkasigo ukuyaga nubumi.”

²⁰⁵ Umwene alinkungólelela panja, alinkuti . . . alinkukólela aba dokotala babili pamo batatu, alinkuti, “Ugwe ubamenya abene?”

Une ndinkuti, “Ena.”

²⁰⁶ “Fiki,” alinkuti, “Une ngomilemo umpila gwa gofu nu mwene. Umwene alinkuti, ‘Ukansa uyu ániengile ukusyungutila amala gake, ugwe ukabagila nukunkusuka umwene ni sindano yakumsundu.’”

²⁰⁷ Une ndinkuti, “Une ndikupasya kali umwene áli na fiki! Ikindukimo mukati muno, une ngetile imboniboni! Kangi Umundu yula alimbulile une, alinkuti, kilikyosa une ngetile, ukuti nkiyobege ikyene kangi ikyene kikyaga lululo. Kangi Umwene alimbulile une kangi une ngukyitika ikyene.”

²⁰⁸ Kyala atufyigwege! Amasiku manandi ukufuma palapala umwene alinkusuka imyenda gyake, ikwendendeka ukusyungutila. Umwene ali nu busito ukufwana amapaundi mia yumo amalongo mahano na kalongo na mahano, ali kanunu itolo.

²⁰⁹ Polelo akabalilo kako une nkyitikege ikyene, ikyene kilinkubuka. Akabalilo kalakala Robert Daugherty

alinkungólela une. Kangi kuno ikyene kilinkubuka, panja mpaka ku Texas, ukukilania ikisukyapasi.

²¹⁰ Kangi ubusiku bumo, patubalilo tuna pamo tuhano. . . Une ndinkusita kupilikisya isyakuyobela mu ndimi ni findu ifingi. Une nitikaga isya kósigwa na Mbepo Mwikemo, nitikaga ukuti abandu bábagile ukuyobela mu ndimi. Kangi ubusiku bumo akabalilo kako une nendaga panja ukubuka ku. . . mu Cathedral, San Antonio, Texas, ngwenda panja pala, umwinitu yumo unini alinkwanda ukuyobela mu ndimi yifwanege ndusu yikutusulila, pamo indusu ya makina, nakalinga fiyo. Kula kunyuma, kula kunyuma kula, umwinitu yumo alinkusumuka kangi alinkuti, “ISI SYO IKUTI UNTWA! Unnyambala uyu ikwenda ukubuka kukigemo ikubuka pankyeni nu butumigwe ubu busunguligwe nu Kyala Mwenemaka. Kangi mumo Yohani Umosi atumigwe ukuya ntasi gwakwanda gwa kwisa kwa Yeso Kristi, polelo umwene apimbile Indumi iyi yikutwalaga ukwisa kwabubili kwa Ntwa Yeso Kristi.”

²¹¹ Une kifuki ukuti nibílile mfilato fyangu. Une ndinkuketa mmwanya, une ndinkuti, “Ngimba ugwe ummenye unnyambala yula?”

Umwene alinkuti, “Umma, nkulumba.”

Une ndinkuti, “Ngimba ugwe umenye umwene?”

Umwene alinkuti, “Umma, nkulumba.”

Une ndinkuti, “Ngimba ugwe umenye une?”

Umwene alinkuti, “Umma, nkulumba.”

Une ndinkuti, “Ngimba ugwe kubomba fiki kuno?”

²¹² Umwene alinkuti, “Une mbalile ikyene mu kalata gwa kinyuzi.” Kangi ubu bo. . . Bula bwali bo busiku bwakwanda bwa lukomano.

Une ndinkuketa pa butalipo pala kangi une ndinkuti, “Ngimba ugwe gwisile bulebule kuno?”

²¹³ Alinkuti, “Bamo mwa bandu bangu bambulile ukuti ugwe kuyaga kuno, ‘gwembumbulusya gwa Fyakyala,’ polelo une nisile.”

Une ndinkuti, “Ngimba umwe mwesa mutikumanyana mwibene?”

Umwene alinkuti, “Umma.”

²¹⁴ O, mwe! Palapala une ndinkusyagania ukuti amaka galagala aga Mbepo Mwikemo. . . Papo akabalilo kamo kunyuma kula une ninogonaga ikyene kyali kisobe, kangi une namenye ukuti une. . . Ugwandumi gwa Kyala yuyuyu abombaga nbandu bala aba bálnafyo ifindu fila. Palema abene bali nifiswigisye kangi ni fyakongania-kongania kangi nu kuyogoyela ku kwingi mwa ikyene, loli mulamula kálimo akandu akanyáfu. [Ubuyo

ubusitakandu pa tepi—Nsimbi.] . . . Kristi. Kangi une ndinkuketa ukuti ikyene—ikyene kya kyabwanaloli.

215 O, ifinja filinkukinda, kangi mu ngomano abandu bábagile ukuketa, imboniboni ni findu ifingi.

216 Akabalilo kamo unkomamapicha alinkukoma Ikyene pa picha akabalilo kako une nimege kula kubuyobumo mu Arkansas, une ngusubila kwa kwene, ndukomano ulwakufwana bo ulu, nkipinda ukufwana bo iki. Kangi une nálimile, ngugela ukukilingania Ikyene. Abandu bamenye, bikalaga pasi nukupilikisya, aba Methodisti, aba Baptisti, aba Presbeteri, na bangi. Kangi popapo une ndinkwaga ukuti nguketa, kikwisa nkifigo, palapala Ikyene kilinkwisa, kikubuka, “Huushi, huushi!”

217 Une ndinkuti, “Une ngufimbilisigwa ukuti ndingandisyaga ukuyobaga umma, kabuno papapa Ikyene kikwisa lilino.” Kangi Ikyene kilinkufyuka, kangi abandu balinkwanda ukukúta. Kilinkufyuka kuko une náli kangi kilinkusengamila mosa.

218 Akabalilo kako Ikyene kisengamege pasi, undumbilili alinkubopa nukufyuka kangi alinkuti, “Mwinangu, une nguketa Ikyo!” Kangi Ikyene kilinkupela umwene ayege mfwamaso mumo—mumo umwene abagile ukuya, alinkupepelukila kunyuma. Umwe mubagile ukuketa ipicha yake mulamula mwa buku nukuketa ikyene bo umwene ikupepelukila kunyuma nuntu gwake gwinamile pasi bo ulu. Umwe mubagile ukuketa ipicha yake.

219 Palapala Ikyene kilinkusengamila pasi. Mwene unkomapicha gwa fikalatasi fya kinyuzi alinkukyaga Ikyene akabalilo kala. Loli Untwa akalitendekisye umma.

220 Kangi ubusiku bumo ku Houston, Texas, akabalilo kako, o, amaelifu ukolokania na maelifu ga bandu. . . Uswe twali nabo abamia lwele. . . amaelifu lwele ukukinda uko bikukólela-ukuti-fiki-ikyene, ku kilabu kya fimogo, ukugomokela ukwisila ku Sam Houston Coliseum unywamu.

221 Kangi kula mu butatikano ikilo kila, akabalilo kako undumbilili gwa Baptisti alinkuti une “ngáli kindukimo loli untungulu gwa pasi-fiyo kangi nsyobi, unsyobi ugwanyiputo, kangi umwene abagasenie ukubopesigwa nkaya,” kangi umwene yo abagile ukuya yo mundu yuyo yu abagile ukubomba isi.

222 Unkundwe Bosworth alinkuti, “Nkundwe Branham, ngimba ugwe ubagile ukukyitikisya ikundukimo bo iki kibombigwege? Kólela ikiboko kyake!”

223 Une ndinkuti, “Umma, nkulumba, une ndikwitika isya kukanikana. Inongwainunun yikapeligwa kukukanikana, Iyene yipeligwe ukwitugasya ubumi.” Une ndinkuti, “Kali ugwe kundingániaga umwene bulebule, umwene ikubukaga itolo injila yilayila.” Une ndinkuti, “Umwene. . . Sitikumpelaga

umwene ukuya nkindane. Linga Kyala atikuyoba ku ndumbula yake, une ngimba mbagile ukubomba bulebule?”

224 Kilabo kyake umwene alinkwisa, alinkuti, “Ikyene kikubonesya iki abene bapeligwe nafyo,” aba Houston Chronicle. Alinkuti, “Fikubonesya ifi abene bapeligwe nafyo, abene bikutila ukwima na ifi abene bikulumbilila.”

225 Unkangale Nkundwe Bosworth alinkwisa kumyangu, ukuya ukuti umwene ali mfyinja fya malongo mahano na mabili, unkundwe unkangale unnunu, alinkunfugatila une mmaboko gake, alinkuti, “Nkundwe Branham,” umwene alinkuti, “ugwe naloli utikulonda ukutatikana nabo?”

226 Une ndinkuti, “Umma, Nkundwe Bosworth. Umma, nkulumba. Une ndikukanikanaga nabo umma.” Une ndinkuti, “Ikyene kitibomba inunu nasimo.” Une ndinkuti, “Kikupelaga itolo ukukanikana akabalilo kako uswe tukusokapo pakigemo.” Une ndinkuti, “Une ngusania ulukomano lilino, kangi une ndikulonda ukuti ifindu fiswanyukege fyosa itolo bo ulu.” Une ndinkuti, “Ndeke umwene akindililege.” Une ndinkuti, “Ifyo fyo fyosa, umwene ikulalata itolo.” Une ndinkuti, “Uswe tubabwene abene bikubomba fififi pabutasi, kangi isyene sitikubomba innunu nasimo ukuyobesania nabo.” Une ndinkuti, “Abene bikubukaga ukukindilila itolo, ukwisasania bene.” Une ndinkuti, “Linga abene itolo bikwambilila ubumanyi bwa Bwanaloli polelo abene batikwambilila Ikyene, ili Bangeli liyobile abene bakilenie unkolofwa kangi abene batisakuhobokeligwa nkisukyapasi iki pamo ikisu iki kikwisa. Abene bikukikolela Ikyene ‘sétano yula’ kangi abene bakagila ukubombela injila iyingi. Abene bakoligwe ni mbepo ya ukwiputaputa uyu yo sétano.”

227 Ngimba balinga aba bamenye ikyo kyabwanaloli, ukuti imbepo ya setano yakwiputaputa? Ena, nkulumba, bikuya bálwalo abene mumo babagile itolo. Kangi polelo popapo isyo sikabúka kanunu fiyo akabalilo kako une njobege, “balwalo,” loli isyene syabwanaloli. “Ukuya nu luko lwa bunyakyala loli ukukana a Maka aga galimo.” Uko ko kotalusya. Ifika ni fyakuswigisya fyo fikusisimikisya Kyala, bwila. Kangi Umwene ayobile sisakuyaga mmasiku agabumalikisyo kimokyene. Kangi ketesya!

228 Unkangale Nkundwe Bosworth, une...umwene abágile ukwisa nanine, kangi umwene afwene ákatele. Áfumile itolo ku Japan. Umwene abagile ukuya kuno. Umwene ikuyaga ku Lubbock nanine. Kangi umwene ayaga...umwene áli nikipungo ikinandi, ikibibi, polelo umwene alinkutoligwa ukwisa ku lukomano ulu, umwene nu nkasi. Kangi polelo umwene... .

229 Bosa binogonaga umwene ábonekaga bo yu Kalebu. Umwene alinkwima pala, umwene alinkuti, “Ena, Nkundwe Branham,” akabonekelo akayindikigwa fiyo kala, ugwe umenye,

kangi alinkuti, “nyitikisya une mbuke ngabombe ikyene,” kangi alinkuti, “linga ugwe utikulonda ukubomba ikyene.”

²³⁰ Une ndinkuti, “O, Nkundwe Bosworth, une—une ndikulonda ukubomba ikyene. Ugwe kufimbilisigwa ukúmana.”

Umwene alinkuti, “Kutikuyangako ni lisyu limolyene ilyakumana.”

²³¹ Lilino, bo ngaali itolo une nukwigala, umwe pilikaga isi. Umwene alinkubuka kula. Une ndinkuti, “Linga ugwe utikumanaga, fyosa filikanunu.”

Alinkuti, “Une ngufinga ndikwakumana umma.”

²³² Ukufwana abandu maelifu malongo matatu balinkukomana nnyumba ubusiku bula. Nkundwe Wood, ikele pa bwa apaalipo akabalilo kala, kangi alikele nnyumba yila. Kangi une . . .

²³³ Undumyana wangu alinkuti, pamo. . . Unkasi gwangu alinkuti, “Ugwe utikubukako kulukomano lula umma?”

²³⁴ Une ndinkubuka, “Umma. Une ndinkubukako kula umma nukupilika isyakumana. Umma, nkulumba. Une ngabagila ukubuka kula nukupilikisya ikyene.”

Bo ikilo kisile, Ikindukimo kilinkuti, “Bukaga sulukilaga kulakula.”

²³⁵ Une ndikwega iligali lyakwasima, unuguna gwangu, unkasi gwangu na bana bangu, uswe tulinkubuka kulakula. Kangi une ndinkufyuka mbwitugasyo bwammwanya imifyuko malongo matatu, kumwanya kula bo ulu, kangi ndinkwitugasya pasi.

²³⁶ Unkangale Nkundwe Bosworth alinkwenda nukufyuka pala afwanenge itolo lifumu ilyaiyolo, umwe mumenye. Umwene asimbile fimo. . . Umwene ali ifingo ingindanengindane abamia bahano na yumo sisimbigwe pamo pala. Umwene alinkuti, “Lilino, Dokotala Best, linga ugwe kufyukaga apa kangi kwegaga lumo mwa fingo isi nutobesya ukwisila mwi Bangeli. Lulilosa lwa fingo isi mwi Bangeli, sili kulubafu lwa Yeso Kristi ikubumbulusya ababine mulisiku ili. Linga ugwe ubagile ukwega lumolwene mwa fingo isi kangi, ukwisila mwi Bangeli, nukutobesya ulwene nili Bangeli, une ngwikalaga pasi, nguponiaga ikiboko kyako, nukuyoba, ‘Ugwe guli ntalusye.’”

²³⁷ Umwene alinkuti, “Une ngwamulaga isyo linga une mfyukile apo!” Umwene alonda ayege gwabumalikisyo ukuti kokuti umwene apakasye pa Nkundwe Bosworth, muketile.

²³⁸ Polelo Nkundwe Bosworth alinkuti, “Mulimosa, Nkundwe Best, une ngulalusyaga ugwe limolyene, kangi linga ugwe kunyamulaga une ‘ena’ pamo ‘umma,’” alinkuti, “uswe tukumalisyaga ulutatikano lilino ulu.”

Kangi umwene alinkuti—umwene alinkuti, “Une ngwamulaga isya isyo!”

Umwene alinkundalusya undindili linga umwene abagile ukundalusya umwene. Alinkuti, “Ena.”

²³⁹ Umwene alinkuti, “Nkundwe Best, ngimba Ingamu ya butabulo ya Yehovah yasosolaga kwa Yeso? ‘Ena’ pamo ‘umma’?”

²⁴⁰ Isyo silinkumala iyene. Isyo syamalike. Une ngubabula umwe, une ndinkwipilika kifwanega kimo itolo kikukinda mosa mmyangu. Une ngalinogwinepo siku isya ikyo nimwene, muketile. Kangi une ndinkwinogona, “O, mwe, umwene akabagila ukwamula! Ikyo kikupinya ikyene.”

Umwene alinkuti, “Ena, Dokotala Best, une ndi—une nswigisyigwe.”

Umwene alinkuti, “Une ngupakikisyaga isya isyo!”

²⁴¹ Alinkuti, “Une nswigisyigwe ukuti ugwe ukabagila ukwamula ililalusyo lyangu ilipepe ukukinda gosa.” Umwene alinkuya ntalalifu bo ga matikiti, umwene amenye apa umwene alimile. Polelo umwene alinkwitugala pasi palapala ni Lisimbo lila.

Alinkuti, “Ega amaminiti gako malongo matatu, une ngwamulaga ukufuma apo!”

²⁴² Kangi unkangale Nkundwe Bosworth alinkwitugala pala kangi alinkwega Ilisimbo kangi alinkupinya unnyambala yula mbuyo bumu abuye ikisyo kyake kilinkuya kikesefu fiyo ugwe gwabagile ukwasya ikibiliti pa kyene, kifuki.

²⁴³ Umwene alinkusumuka ukufuma pala, akalele, kangi alinkutaga ifikalatasi pasi pa kipálo posa, alinusumuka pala nukulumbilila ubulumbilili ubununu bwa kiCampbellite. Une náli gwa kiBaptisti, une námenye ifi abene bitikaga. Umwene siku . . . Umwene alumbililaga pa kusyuka ku bafwe, “akabalilo kako ububole ubu bukufwala ubusitakubola, akabalilo kalakala uswe twisakuyaga nulubumbulusyo Lwakyala.” O, mwe! Ngimba tukululondaga lwafiki ulubumbulusyo Lwakyala ukufuma papo uswe tuli basitakubola (“akabalilo kako ububole ubu bukufwala ubusitakubola,” ukusyuka kwa bafwe)? Umwene alinkwilamwa ikiswigo kyope iki Yeso abombege pa Lazaro, alinkuti, “Umwene afwile kangi, kangi ikyo kyáli itolo kindu kya kabalilo kanandi.” Muketile?

²⁴⁴ Kangi umwene bo amalile bo ulu, umwene alinkuti, “Twalaga panja yula umbumbulusya Fyakyala kangi une nunkete umwene ikubomba!”

²⁴⁵ Abene balinako ukufugania kunandi akabalilo kala. Nkundwe Bosworth alinkuti, “Une ngukuswiga ugwe, Nkundwe Best, ukamula nili lalusyo limolyene ili une ngulalusisye ugwe.”

²⁴⁶ Popapo umwene alinkukalala fiyo palapala, umwene alinkuti, “Twalaga panja yula umbumbulusya Fyakyala kangi une nunkete umwene ikubomba!”

Alinkuti, “Nkundwe Best, ngimba ugwe kwitika ukuti abandu bikupinduka?”

Umwene alinkuti, “Naloliloli!”

Alinkuti, “Ngimba ugwe kulonda ukukoleligwa ukuya Umpoki ugwa Fyakala?”

Alinkuti, “Naloliloli umma!”

²⁴⁷ “Munjila yiliyosa umma... Ifyo fitikupela ugwe ukuya Mpoki ugwa Fyakyala panongwa yakuti ugwe gwalumbililaga ubupinduko bwa moyo.”

Umwene alinkuti, “Fiki, naloliloli umma!”

²⁴⁸ Alinkuti, “Fifwene itolo ukuti ifi fitinkupela Unkundwe Branham ukuya mbumbulusyi gwa Fyakyala panongwa yakuti umwene ikulumbilila ukubumbulusya kwa Fyákyala kwa mbili. Umwene akaya mbumbulusyi gwa Fyakyala, umwene itolo ukubasosolela abandu kwa Yeso Kristi.”

²⁴⁹ Kangi umwene alinkuti, “Nsosya umwene panja, nunkete umwene ikubomba! Unko une mbakete abandu, kikindepoyi kinyinja ukufuma mwisyugu, kangi une ngwisakukubulaga ugwe ukuti ngwitika pamo umma.”

²⁵⁰ Nkundwe Bosworth alinkuti, “Nkundwe Best, iyo yifwene bo inongwa yila pa Kalivari, ‘Suluka pa Kikohekano polelo uswe tukukwitikaga Ugwe.’” Muketile?

²⁵¹ Kangi polelo, o, gwemundu, umwene po alinkuputigwa fiyo. Umwene alinkuti, “Une nunkete umwene ikubombamanjele! Une nunkete umwene ikubombamanjele!” Undindilila alinkumpela ukuti umwene itugale pasi. Umwene alinkwenda ukubuka uko, kangi alipo undumbilili gwa ki Pentekoste imile pala, umwene alinkumpuputa umwene bo ikukinda pa kigemo posa. Kangi abene balinkumwimika akabalilo kalakala. (Polelo Nkundwe Bosworth alinkuti, “Apa, apa! Umma, umma.”) Polelo undindilila alinkumpela umwene itugasye pasi.

²⁵² Raymond Richey alinkusumuka, alinkuti, “Ngimba aga go mikalilo gaba Southern Baptist Convention?” Alinkuti, “Umwene mwe balumbilili ba ki Baptisti, ngimba aba Southern Baptist Convention bantumile umundu uyu kuno pamo umwene isile pa yumwene?” Abene balinkutoligwa ukwamula. Umwene alinkuti, “Une mbalalusisye umwe!” Umwene ábamenye abene, bosa.

²⁵³ Abene balinkuti, “Umwene isile pa yu mwene.” Kabuno une mmenye ukuti aba Baptisti bikwitika isya kubumbulusya kwa Fyákyala, bope. Polelo palapala umwene alinkuti, “Umwene isili pa yu mwene.”

²⁵⁴ Polelo palapala isi syo syabonike palapala. Palapala Nkundwe Bosworth alinkuti, “Une mmenye ukuti Nkundwe

Branham ali ndukomano ulu, linga umwene ikulonda ukwisa nukubasosya abandu, sikuyaga kanunu fiyo.”

Polelo Howard alinkuti, “Ugwe itugala mye!”

Une ndinkuti, “Une nitugele mye.”

²⁵⁵ Kangi itolo palapala Ikindukimo kilinkwisa ukusyungutila, kilinkwanda ukusyungutila, kangi une ndinkumanya ukuti Ikyene kyáli yo Gwandumi gwa Ntwa, kilinkuti, “Sumuka!”

²⁵⁶ Ukufwana abandu abamia bahano balinkubika amaboko gabo pamopene bo *ulu*, balinkupela ulukindi, ukwikilila ku kukigemo.

²⁵⁷ Une ndinkuti, “Mwebinangu, une ngaya mbumbulusyi gwa Fyakyala. Une ndi nkundwe gwinu.” Une ndinkuti, “Nkundwe Best, kisita . . .” Pamo, “Nkundwe Best,” une ndinkuti, “kisita kukuswaya ugwe, nkundwe gwangu, umma nakamo napanandi. Ugwe ulinabo ubwabuke pa lwitiko lwako, nanine ndinabo.” Une ndinkuti, “Ena, ugwe utoligwe ukusisimikisya ifundo yako, kwa Nkundwe Bosworth. Na kope kwa aligwesa uyu abalile Ilibangeli kanunu, aba bafimenye ifindu ifyo.” Une ndinkuti, “Kangi isyakufwana nukubumbulusya abandu, une ngabagila ukubabumbulusya abene, Nkundwe Best. Loli une ndi papapa ikilo kili kyosa, linga ugwe kulonda ukuketa Untwa ikubomba ifiswigo, isaga kulakula. Umwene ikubomba ikyene ikilo kilikyosa.”

²⁵⁸ Kangi umwene alinkuti, “Une ngulonda ngubone ugwe kubumbulusya yumo kangi mbakete abene! Ugwe ubagile ukubalagusya abene nu bulagusi bwako,” loli alinkuti, “une ngulonda ngete ikyene kikindepò ikyinja ukufuma pala!”

Une ndinkuti, “Mulimosa, ugwe gulinabo ubwabuke ukubaketesya abene, Nkundwe Best.”

²⁵⁹ Umwene alinkuti, “Nafimo loli kyene ikipambo kya belu babunguluka-pasi abasikandu muntu bo bikwitika ifindu bo ifyo. Aba Baptisti batikwitika mu findu ifyabukonyofu bo ifyo.”

²⁶⁰ Nkundwe Bosworth alinkuti, “Akabalilo kanandi itolo.” Alinkuti, “Ngimba bandu balinga apa, mungomano sya basabata babili isi, aba bimile pa bwimo ubununu ni fipanga ifinunu ifya Baptisti kuno ku Houston, aba babagile ukusisimikisya ukuti umwe mubumbulusigwe nu Kyala Mwenemaka akabalilo kako u Nkundwe Branham ayaga apa?” Polelo ukukinda abamia batatu balinkwima. Alinkuti, “Kutigi bule isya isyo?”

²⁶¹ Umwene alinkuti, “Abene bakaya ba Baptisti!” Alinkuti, “Aligwesa abagile ukwilata kilikyosa, ikyo pope kitikupela ikyene ukuya kyabwanaloli!”

²⁶² Alinkuti, “Ilisyu lya Kyala likutalusya, kangi ugwe ukabagila ukulwana nakyo Ikyo. Kangi abandu bikuti ikyene kyabwanaloli, kangi ugwe ukabagila ukukigwisyila ikyo pasi.

Polelo ugwe kubombaga fiki ukufwana ni Kyene?” Muketile, bo lulalula.

²⁶³ Une ndinkuti, “Nkundwe Best, une nguyoba u Bwanaloli bwene. Kangi une ndi gwabanaloli, Kyala ikufimbilisigwa ukwima u Bwanaloli ubo.” Une ndinkuti, “Linga Umwene akaya...Linga Umwene atisa kwima nu bwanaloli, kokuti Umwene akaya Kyala.” Kangi une ndinkuti, “Une ndikubumbulusya abandu. Une napapigwe ni—ni kyabupi ukuketa ifindu ifi, ukuketa ukuti fikubombigwa.” Une ndinkuti, “Une mmenye ukuti ndikupilikisigwa, loli une mbagile ukubomba loli kisitakukinda ulwitiko lwa ndumbula yangu.” Une ndinkuti, “Une ngwitika ukuti Yeso Kristi asyukile ku bafwe. Kangi linga u Mbepo uyu ikwisa nukubonesya imboniboni ni fingi, linga ifyo fikwilamwigwa, yataga kuno nukuketesya.” Une ndinkuti, “Isyo syo syene.” Loli une ndinkuti, “Loli ukufwana na une, une ngabagila ukubomba nakamo akangu nimwene.” Kangi une ndinkuti, “Linga une nguyoba ubwanaloli, Kyala ikufimbilisigwa kwa une, ukubikila ubuketi ukuti Ikyene kyo bwanaloli.”

²⁶⁴ Kangi ukufwana akabalilo kalakala, Ikindukimo kilinkubuka, “Huushi!” Apa Umwene alinkwisa, ikwisa palapala pasi. Kangi aba American Photographer Association, aba Douglas Studios ku Houston, Texas, pakuti bali ni kamela inywamu yikele pala (Abene bakanisigwe ukukoma ama picha), balinkukoma ipicha.

²⁶⁵ Abene balisile pala ukukoma amapicha ga Tata. Best, kangi umwene—umwene alinkuyoba, bo une ngali ukusuluka pasi pala, umwene atile, “Gúlila pa miniti yimoyene! Une ndinago ama filimu mahano na limo gikwisa apa!” Umwene alinkuti, “Apa, koma ipicha yangu lilino!” Kangi umwene alinkubika ulobe lwake mu mbulo ya unnyambala nkangale umwelu yula, bo ulu, alinkuti, “Lilino, koma ipicha!” Polelo abene balinkukoma. Palapala umwene alinkubulungania ingonyi yake nukuyinula iyene mmwanya, alinkuti, “Lilino, koma ipicha yangu!” Polelo abene balinkuyikoma iyene naloli lulalula. Polelo umwene alinkubomba bo lulalula, ukuti akomigwe mu picha. Umwene atile, “Umwe mwisakuketaga iki mwa magazini gwangu!” lulalula.

²⁶⁶ Nkundwe Bosworth alinkwima pala kangi umwene alinkusita kuyobapo akandu kamo. Popapo abene itolo balinkwega ipicha ya Iki.

²⁶⁷ Pa njila ubusiku bula (undumyana gwa kiKatolika ákomile ikyene), umwene alinkuyoba ku ndumyana uyungi uyu, umwene alinkuti, “Ngimba ugwe kwinogona fiki ifyakufwana na Kila?”

²⁶⁸ Umwene alinkuti, “Une mmenye ukuti une nalwanaga nagwe umwene. Ikisokomilo kila iki kisokengepo pa mmilo gwa unkikulu yula, une ndinkuyoba ukuti umwene ambobile

amanjele pa umwene.” Alinkuti, “Une ngupamusya ukuti lumo náli nsobi pa ikyo.”

Alinkuti, “Ngimba ugwe kwino gona fiki ifya picha yila?”

“Une ngamanya.”

²⁶⁹ Abene balinkuyiyubika iyene mmisi ga áside. Ipicha yake yo iyi yili apa, umwe mubagile ukundalusya umwene linga umwe mukulonda. Abene balinkubuka ku kaya, umwene alinkwikala pala nukukwesa isigareti. Alinkusumuka nukukwaba yimo mu sya Nkundwe Bosworth, yilinkuya nsitakandu. Alinkukwabila panja sibili, sitatu, sina, sihana, sihana na yimo, kangi yiliyosa ya isyene yilinkuya nsitakandu. Kyalala akábagile ukwitikisya ipicha ya nnyambala unkangale umwelu Gwake imile pala nu mundu unsyobi, ni mbulo yake, pamo ikiboko, ingonyi yikusenyenda pasi mbulo yake bo lula. Umwene akábagile ukwitikisya ikyene.

²⁷⁰ Abene balinkukyaba iyingi iyakukonga, kangi pala Iyene yilinkwisa. Unnyambala yula alinkugwa pasi ni ndumbula, abene batigi, ubusiku bula.

²⁷¹ Kangi abene balinkutuma inegativi iyi ku Washington DC. Ikyene kilinkusimbigwa mmabuku ganandagilo nukugomosisgwa.

²⁷² Kangi George J. Lacy, unkulumba ku F.B.I. gwa ba makatoganyobe na mafayelo, kangi ni fingi, yumo mwa bakulumba fiyo nkisu kyosa kyapasi, kilinkutwaligwa kula kangi alinkugona nakyo amasiku mabili ukugela ikamela, imulimuli, filifyosa fya ifyene. Kangi bo uswe tukwisa pamusi pala, umwene alinkuti, “Ntimi Branham, une náli yumo gwa kwilamwa gwa ugwe, níne.” Umwene alinkuti, “Kangi une natigi ikyene kyo manjele, yumo ayobile ukuti abene basibwene Imuli ni findu fimo bo ifyo.” Kangi alinkuti, “Ugwe umenye, unsyobi ugwaiyolo ayobaga isyo” (umwene ayobaga unsitakwitika) “‘ipicha sila ukusyungutila, ubwelu bula ukusyungutila Kristi, ukusyungutila abelu,’ umwene alinkuti, ‘gala gáli itolo manjele.’” Loli alinkuti, “Ntimi Branham, iliso lya kwendendeka ilya kamela likabagila ukukoma amanjele! Ulumuli lukomile pa lindalasi, pamo lukomile i negativi, kangi Ikyene pala kilinkuyapo.” Kangi umwene alinkuti. . .

²⁷³ Une nkibikile ikyene ku bene. Umwene alinkuti, “O, nkulumba, ngimba ugwe umenye ikyene kya ntengonki?”

Kangi une ndinkuti, “Komma kwa une, nkundwe, komma kwa une.” Kangi polelo umwene alinkuyoba. . .

²⁷⁴ “Ena, ikyene kitikuyaga ni mbombo akabalilo kako ugwe uli nubumi, loli ilisiku limo, linga ubwigufu bukukindilila kangi Ikikristi kikali kilipo, kilipo ikindukimo kisakubombigwa ukufwana ni kyene.”

²⁷⁵ Polelo, mwebinangu, ubusiku ubu, linga ulu lo lukomano lwitu ulwabumalikisyo pa kisu, umwe na une twikelepo mu

Kuyapo kwa Kyala Mwenemaka. Akapango kangu ka bwanaloli. Ifindu fingi, fingi, ukwene kubagile ukwega imisigo gya ba buku ukusimba ikyene, loli une ngulonda umwe mumanye.

²⁷⁶ Ngimba balinga muno aba naloliloli kisita ipicha yila, baketile Ulumuli Lúlo lwimile ukusyungutila kuko une nalumbililaga? Inusya ifiboko fyinu, mu nyumba yosa iyi, aligwesa uyu aketilemo Ikyene. Muketile, ukufwana amaboko mahano na matatu pamo kalongo aba bitugesye apa.

²⁷⁷ Ugwe kuti, “Babagile—babagile abene ukuketa Ikyene kangi une kisita kuketa Ikyene?” Ena, nkulumba.

²⁷⁸ Yila—yila Indondwa iyi abanyambala bamahala bákongaga, yilinkukinda pa buketelo bulibosa. Nayumo akibwene Ikyene loli bene bala. Abene báli bo bene aba bakibwene Ikyene.

²⁷⁹ Eliya álimile pala ikuketa amagileta gosa gala pa moto, kangi na fyosa. Kangi Gehazi alinkukelengania, umwene alinkusita kugabona agene kulikosa. Kyala alinkuti, “Igula amaso gake ikuti akete.” Kangi umwene alinkugabona agene, muketile. Loli umwene ali ndumyana ununu, imile pala ikukelengania, loli umwene alinkusita kukibona ikyene. Naloli. Ikyene kipegigwe kubamo ukuketa, kangi kubamo ukusita kuketa. Kangi isyo syabwanaloli.

²⁸⁰ Loli lilino ugwe gwe ukaketamo siku Ikyene, ukaketamo siku Ikyene, kangi ugwe gwe uketile naloliloli Ikyene ni liso lyake ilipeligwe kangi ukakibonamo ipicha, palema isi aba bikuketa ipicha bo bali nukusisimikisya ukukulumba ukukinda na mwa muketile Ikyene ni liso ilipeligwe. Kabuno umwe ni lisi ilipeligwe, mubagile ukuya mwasobile, ikyene lumo kyali nsyungulu gwa mabyebye. Ngimba isyo syabwanololi? Loli Kila kikaya nsyungulu gwamabyebye, Ubo bo Bwanaloli, palapala ubufukulefukule bwa sayansi bukusisimikisya ukuti Ikyene bo Bwanaloli. Polelo Untwa Yeso abombile iki.

“Ngimba ugwe kwinogona kyáfiki Ikyene lelo,” umwe mukuyoba, “Nkundwe Branham?”

²⁸¹ Une ngwitika ukuti Ikyene kyo yilayila Imbanda ya Moto iyi yabalongolelaga abanya Israeli ukufuma ku Igipti ukubuka ku Palestina. Une ngwitika Ikyene yo yulayula Ugwandumi ugwa Lumuli uyu isaga mu—mu baminyololo kangi nukwingila mula mwa Peteri Umwelu nukumpalamasya umwene nukubuka munkyeni, nukwigula ikifigo, nukunsindikila umwene mbwelu. Kangi une ngwitika ukuti Ikyene yo Yeso Kristi uyu yo yuyo mmayolo, umusyugu, kangi bwilanabwila. Ameni! Umwene yo yulayula Yeso umusyugu uyu Umwene ali mmayolo. Umwene ikuyaga bwilanabwila yulayula Yeso.

²⁸² Kangi bo une nguyoba isya Ikyene, lulalula Ulumuli ulu luli pa picha luli pa...lwimile pa malundi mabili ukufuma papo une nimile lilino apa. Uko ko kotalusya. Une mbagile ukukiketa Ikyene na maso gangu—gangu, loli une mmenye ukuti

Ikyene kimile apa. Une mmenye Ikyene kikusengama nanine—munda myangu lilino. O! Linga umwe mwatigi itolo mumanyege ubukindane akabalilo kako amaka ga Kyala Mwenemaka gikukola, kangu mumo ifindu fikubokela ukukindana!

²⁸³ Uko ko kusanigwa kwinu, aligwesa. Une ngálonidaga ukwiputula abandu ababine na bamobene, une nálonidaga ukwiwipa. Loli imbonoboni yili pa bandu. A—ha. Kyala amenye ikyene. Une ndikukolelaga ulukindi lwa lwiputo umma, une ngubalekaga umwe mwitugesye apo. Ngimba balinga bamwe bandu umwe mukaya nago amakadi ga lwiputo? Unko uswe tukete ifiboko fyinu, umundu yumo uyu akayanalyo ilikadi lya lwiputo, akaya nalyo ilikadi lya lwiputo.

²⁸⁴ Unkikulu gwa kikaladi itugesye apa, une ngetile ugwe gwalinwisyeye ifiboko fyako mmwanya. Ngimba isyo syabwanaloli? Ima itolo ukuti ugwe ngukete pa gwimwene pa kabalilo kanandi itolo. Une ngamanyi isi Umbepo Mwikemo ikuyobaga, loli ugwe kungeta une naloliloli nindumbula iyabwanaloli. Ugwe ukuya nalyo ilikadi lya lwiputo? Linga Kyala Mwenemaka ikusetulaga kwa une ukuti ulutamio lwa lo luki . . . Une ngubomba iki ku bwandilo itolo, ukuti twande itolo. Ngimba ugwe kunyitika une ukuya . . . Ugwe umenye kikayapo ikundikimo . . . Kikayapo ikindikimo ikununu ikyala une. Linga ugwe uli nkikulu mwegigwe, une ngaya nkinde ndumego. Une ndi nnyambala itolo. Loli Yeso Kristi yo Mwana gwa Kyala, kangu Umwene aatumile Umbepo Gwake ukusisimikisya ifindu ifi.

²⁸⁵ Linga Kyala ikumbulaga une ifi fitamisya na ugwe (kangu ugwe umeneye yikayapo injila iyakuti une ngoelane na ugwe kayimo), ngimba ugwe kwitikaga ni ndumbula yako yosa? [Kalumbu ikuyobapo—Nsimbi.] Kyala akusaye. Polelo ukufyuka kwa kubopa kwa lilopa kwako kukulekile ugwe. Uko ko gwalinako ugwe. Ngimba ikyo kikali kya bwanaloli? Polelo itugasya pasi.

²⁸⁶ Ugwe itolo itikaga akabalilo kamokene kala! Une ngusania aligwesa ukukyitika Ikyene.

²⁸⁷ Keta kuno, une mbabule umwe akandukamo. Marita, ikwisa kwa Ntwa Yesu. Ikyabupi kila kikabagile ukubomba siku . . . Loli Tata alinangisye Umwene pa butasi iki Umwene atigi abombege. Ikyene angali kikabomba imbombo. Loli umwene alinkuti, “Gwe Ntwa, une . . . Linga Ugwe gwali papapa, undumbu gwangu angali akafwa umma.” Alinkuti, “Loli une mmenye ukuti pope lilino kilikyosa Ugwe kusuma Kyala, Kyala ikukupaga ikyene kwa Ugwe.”

²⁸⁸ Umwene alinkuti, “Une ne Busyuko nu Bumi, umwene uyu ikwitika mwa Une, palema nalinga áfwile, lóli isakuyaga mumi umwene. Kangu aligwesa uyu ali nu bumi kangu ikwitika mwa Une atikwisa kufwa. Kwitika ugwe iki?”

²⁸⁹ Pilikisya isi umwene alinkuyoba. Umwene alinkuti, “Ena, GweNtwa. Une ngwitika ukuti fyosa ifi kuyoba bo Bwanaloli. Une ngwitika ukuti Ugwe gwe Mwana gwa Kyala uyu abagile ukwisa nkisukyapasi.” Uko ko kwisa kwake, ukwiyisya.

Ugwe kwipilika ukukindana, mukaya momumo, nkikulu? Ena. Isyo syabwanaloli.

²⁹⁰ Nkikulu nnini gwitugele apo, apo kifuki na ugwe nugwe, kutamigwa nu kwisula kwa fifupa kangi nulutamio lwa bakikulu. Ngimba kikaya momumo, nkikulu? Ima pa miniti yimoyene itolo, nkikulu nnandi gwe gufwele ililaya ilikesefu. Ugwe gwali kifuki fiyo, imboniboni yisile kumyako. Ukwisula kwa nyobe, ulutamio lwabakikulu. Ngimba isyo syabwanaloli? Kangi apa silipo isingi isya mbumi bwako (ugwe guli—une ndinaku ukuketa ukugolosya kumyako ugwe): ugwe gulinako ukupasya kwingi pa bumi bwako, indamio nyingi. Ulutamio lula lukufwana nu nganigwa gwako, umwene ndumego. Umwene yo kinwelwa. Umwene atikubuka ku lwiputo. Linga isyo syabwanaloli, inusya ikiboko kyako. Kyala akusaye, nkikulu. Bukaga kukaya lilino kangi ukambililege ulusayo lwako. Ugwe gubumbulusigwe, sikusyungutila imuli pali ugwe.

²⁹¹ Unnyambala uyu itugesye kifuki nayu mwene pala. Ugwe, nkulumba, ngimba ugwe kwitika? [Unkundwe yula ikuti, “Ena. Une ngwitika.”—Nsimbi.] Ni ndumbula yako yosa? [“Ena, nkulumba.”] Ugwe gutagile kimokyene ikya kwipilikila kyako. Uko ko kwipilika kwa kunungisya. Ngimba isyo syabwanaloli? Linga isyene sili, syugusya ikiboko kyako. [“Uko ko kotalusya.”] Bika ikiboko kwako pa ndomo gwako bo *ulu*, nukuyoba, “Ntwa Yeso, une ngwitika Ugwe ni ndumbula yangu yosa.” [“Ntwa Yeso, une ngwitika Ugwe ni ndumbula yangu yosa.”] Kyala akusaye. Bukaga lilino. Kangi ugwe kwambililaga ukubumbulusya kwako.

²⁹² Yaga nu lwitiko mwa Kyala! Ngimba mwesa umwe mukwinogona fiki ifya Ikyene, kunyuma uko? Ngimba umwe mukwitika? Yaga nuluyindiko!

²⁹³ Alipo unkikulu itugesye itolo kula kunyuma kula kungomi. Une nguketa u Lumuli lula lwimile pamwanya pa mwene. Iyo yo yene njila iyi une mbagile ukuyoba ukuti fiki ifya ikyene. Ulumuli *ulu* lwimile mmwanya pamwanya pa nkikulu. Pamo akabalilo kanandi itolo, linga une mbagile ukuketa ukuti ikyene kyo fiki. Ikyene kikukonyoka . . . Unkikulu uyu ikutamigwa nu—nu lutamio lwa ndumbula. Umwene ikungetesya une.

²⁹⁴ Kangi undume itugele kifuki nagwe. Kangi undume alinabo ububine bumo, umwene abinile itolo lululu ulu, ukufuba kwa munda, abinile. Ngimba isyo sikaya bwanaloli, nkulumba? Inusya ikiboko kyako linga isi syabwanaloli. Uko ko kotalusya, yo ugwe, nkikulu, gwe gufwele akafunga akanini mmakosi. U tata, ngimba isyo sikaya syabwanaloli? Ngimba ugwe akafuba

munda itolo umusyugu? Ugwe ulinako ukufuba munda mwako, unnyambala. Isyo syabwanaloli.

²⁹⁵ Ngimba mwesa mwe mukwitika ni ndumbula syosa syinu, mwe babili mwesa? Umwe mukukyambilila Ikyene? Nkulumba, une ngukubula ugwe, ugwe nugwe, une ngukuketa ugwe gwe ufuyusise ikiboko mmwanya, ulwiho ulwakukwesa. Uleke ukubomba isyo. Ugwe kukwesa isigareti, ugwe komma ukubomba isyo, kikukupela ugwe ubinege. Ngimba mukaya momumo? Linga isyene sili, syugulisya ikiboko kyako bo ulu. Ifyo fikukufubisya ugwe munda. Ikyene kinyali fiyo pa ndepa syako. Taga ifindu ifinyali kubutali kangi komma ukubomba ikyo kangi umma, ugwe kukindaga pa ikyo kangi kuyaga kanunu, kangi ulutamio lwa ndumbula lwa nkasigo lukundekaga umwene. Ngimba ugwe kwitika ikyo? Ngimba isyo syabwanaloli? Une ngabagila ukuketa ukufuma kuno, kangi ugwe umenye isyo, loli ugwe upimbile isigareti pa...mu—mu nyambi ya pa nkyeni. Uko ko kotalusya. Batikaga ifindu panja kangi bika ikiboko kyako pa nkasigo, mbula Kyala ukuti umalene nafyo ifindu fya luko lula, ugwe kubukaga kukaya uli kanunu, ugwe nu nkasigo mukuyaga kanunu. Yisayigwege Ingamu ya Ntwa Yeso!

Ngimba ugwe kwitika ni ndumbula yako yosa?

²⁹⁶ Unkikulu unnini uyu itugele apa uyu ikungeta une apa. Ugwe pa...pala pa kikota kya pa nkyeni, gwikele papapa apa. Unkikulu unnini uyu afwele iki... ikungetesya une, itugele palapala pala. Ugwe utiku... Ugwe ulinalyo ilikadi lya lwiputo, nkikulu, papapa apa? Ugwe ukayanalyo limo ilikadi lya lwiputo? Ngimba ugwe kwitika ni ndumbula yako yosa? Ngimba ugwe kwitika ukuti Yeso Kristi abagile ukukupela ugwe uyege kanunu?

²⁹⁷ Ngimba kwinogona fiki ugwe isya Iki, ugwe gwitugele kifuki na yumwene? Ngimba ugwe gulinalyo ilikadi lya lwiputo, nkikulu? Ugwe ukayanalyo? Ngimba ugwe kulonda ukuya kanunu nugwe? Ngimba ugwe utikulonda ukulya kangi mumo ugwe gwalyelaga, ukuti ulutamio lwa munda lumalikege? Ngimba ugwe kwitika ukuti Yeso ikukubumbulunya ugwe lilino? Sumuka linga ugwe kwitika Yeso Kristi akubumbulwisye ugwe. Ugwe gwalinafyo ifilonda mmunda, mukaya momumo? Ifyene fikufuma kulilumbusyo. Ugwe gwilumbusisye pa kabalilo katali fiyo. Fiyofiyo aba asidi ni findu, pamo une ndigi fikupela aba asidi, kangi fikupela amino amasekano akabalilo kako ugwe kubyukula ifyakulya fyako nkanwa mwako kangi. Isyo syabwanaloli. Ena, nkulumba. Ikyene kilonda kya munda, ikyene kyalipasi pa lwanda lwako. Ikyene kikokya utubalilo tumo linga ufumile pakulya unkate umokye uyu amyatigwe ni kyambiko. Ngimba isyo syabwanaloli? Une ndikubala aminogono gako umma, loli Umbepo Mwikemo yo

nsitakutoligwa. Ugwe gubumbulusigwe lilino. Bukaga kukaya, uyege kanunu.

²⁹⁸ Ngimba ugwe kunyuma ukubukila uko? Mwe bamo mwa umwe kubwa uko mwe mukaya nilikadi lya lwiputo, fyusya ifiboko. Yumo uyu akaya nilikadi ilya lwiputo. Fyosa filikanunu, muyege baluyindikio, itikaga ni ndumbula yako yosa. Ngimba bule uko kumwanya? Yaga nu lwitiko mwa Kyala.

²⁹⁹ Une ngabagila ukubomba iki mwa nimwene, lipyana lyake lyayumwene Umwene itolo. Ngimba umwe mukwitika? Une mbagile itolo ukuyoba mumo Umwene ikundongolela une. Mumo ulwitiko lwinu... Une nguyoba ifi ukusugania ulwitiko lwinu, kangi polelo nukuketa yo njila yiki Umwene ikundongolelaga une. Ngimba umwe musyagenie uyu—uyu akaya nkundwe gwinu? Umwe mwimile mu Kuyapo Kwake. Ngaya yo une uyu ikubomba iki, ikyene kyo lwitiko lwinu lukubomba Iki. Une ngabagile ukubomba Ikyene. Ikyene kyo lwitiko lwinu lu-lukubomba ikyene. Une ngayanayo injila nayimo iyakubombela Ikyene. Gulila panandi.

³⁰⁰ Mu ngomi iyi une nguketa unnyambala gwa kikaladi itugesye apo, afwenemo nkusi, afwele amagalasi. Ugwe gulinalyo ilikadi lya lwiputo, nkulumba? Sumuka pa malundi gako akabalilo kanandi itolo. Ngimba ugwe kunyitika une ukuya mbombi gwa Kyala ni ndumbula yako yosa? Ugwe kwinozona isya mundu yumo uyungi, mukaya momumo? Linga isi syabwanaloli, sugania ikiboko kyako. Komma panongwa yakuti yo une, unkundwe gwako. Lilino, ugwe ukuya nalyo ilikadi lya lwiputo. Yikayapo ni njila nayimo iyakuti ugwe uyege siku ndukindi, kabuno ugwe ukaya nalyo ilikadi lya lwiputo. Lilino, linga yumo mwa umwe mulinalya amakadi ga lwiputo komma—komma—komma ukusumuka, muketile, kabuno umwe mukuyaga nu lusako ulwa kwisila ndukindi.

³⁰¹ Loli une nguketa Ulumuli itolo lwimile pamwanya pa mwene. Ikyene kikigukila kumboniboni tasi umma. Une ngabagila ukukubumbulusya ugwe umma, nkundwe, une ngabagila. Kyala mwene yo abagile ukubomba isyo. Loli ulwako...ulwako...ugwe ulinalo ulwitiko. Ugwe kwitika. Kangi kilipo kimo—ikindukimo, iki ki—iki kipelile ikyene injila yimo.


³⁰² Linga Kyala Mwenemaka isakumbulaga unnyambala uyu ulutamio lwake lo fiki, ngimba mwesa umwe mukwambililaga ukubumbulusyo kwinu? Umundu uyu ali apo, imile ukupelelesya amayadi kalongo, kalongo na mahano ukufuma kwa une, une ngambonamo une mmbumi bwangu bosa. Umwene yo nnyambala imile pala. Linga Kyala Mwenemaka ikusetulaga iki kitamisye nu nnyambala yula, aligwesa gwa umwe mubagisenie ukwenda ukufuma apa mundu nnu. Ngimba Kyala abombege ukukinda poki? Ngimba isyo syabwanaloli?

³⁰³ Nkulumba, kakayapo nakamo katamisisye na ugwe. Ugwe guli monjofu, kusumuka nkilo panandi itolo, ulutamio lwa kubutundilo matusi lwa banyambala ni fingi, loli ikyo kikaya kyo lutamio lwako umma. Ulutamio lwako lukufwana nu mwanako undumyana. Kangi umwana undumyana gwako ali nduko lumo lwa kipatala kya basyutamitu, kangi umwene ali ni bundu bwa pabili. Ngimba isyo syabwanaloli? Suganisya ikiboko kyako linga isyo syabwanaloli. Isyo syo katikati syabwanaloli.

³⁰⁴ Balinga bikwitika lilino ukuti Yeso Kristi u Mwanundumiana gwa Kyala ali papapa apa? Unko uswe twíme nukutwala ulutufyo nukwambilila ububumbulusyo bwitu.

³⁰⁵ Gwamakagosa Kyala, Bwandilo gwa Bumi, Mpi gwa kyabupi ikinunu kilikyosa, Ugwe uli apa, u Ntwa Yeso Kristi yulayula mmayolo, umwisyugu, na bwilanabwila.

³⁰⁶ Kangi, Setano, ugwe ubasyobile abandu aba akabalilo katali kafwene, sokamo nkati mmyabo! Une ngukulagila ugwe ukwisila mwa Kyala ugwabumi Uyu Ukuyapokwake kuli apa lilino nkayililo ka Mbanda ya Moto, baleke abandu aba! Kangi sókamo nkati mwabo, mu Ngamu ya Yeso Kristi!

³⁰⁷ Aligwesa gwa umwe fyusya ifiboko fyinu kangi muntufye Kyala, kangi mwambililega ulubumbulusyo lwinu, aligwesa. 

MUMO UGWANDUMI ÁLISÍLE KWA UNE, NU KUTUMA KWAKE KYA55-0117
(How The Angel Came To Me, And His Commission)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Kilembelo kunamayolo, Janurari 17, 1955, ku Lane Tech High School mu Chicago, Illinois, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org